


元

宋季忠義錄



按王漁洋香祖筆記萬香野所撰宋季忠義錄共  
十二卷今鈔本共十二卷第一卷載恭帝端宗末帝本紀  
多四卷第二卷迄末卷  
陳仲微二王始末鈔本另附元史世祖本紀及續資治通鑑綱目  
自江萬里文天祥而下逮劉辰翁凡四百六十八鈔本別原前下又加廿二人

宋季忠義錄卷上目錄

恭帝本紀

明萬斯同季野輯

卷二

端宗末帝本紀

附

元史世祖本紀



陳仲微二王始末

續資治通鑑綱目

宋季忠義錄卷一目錄終

宋季忠義錄卷三目錄

江萬里

李庭芝

陸秀夫

文天祥

張世傑 附劉師勇

陳文龍

附

龔開文丞相傳

龔開陸秀夫傳

宋季忠義錄卷三目錄終

宋季忠義錄卷四目錄

四明萬斯同季野輯

高稼

曹友聞弟萬

陳寅

賈子坤 賈氏孝

劉銳 趙汝日鄉

蹇彞

何充

許彪孫

陳隆之 史季儉史良震楊城夫楊戩

王翊

蒲東卯劉當可

陳元桂

張順張貴

范天順

即復羅由趙李德羅君文馮仲燁李大全趙晨胡天德似之能楊禮周德榮王德趙廣

牛富王福

邊居誼

唐震

密祐

米立

呂文信張興宗

丁黼

宋季忠義錄卷四目錄終

宋季忠義錄卷五目錄

汪立信

姜才

洪福

趙淮

趙孟錦

朱應龍

褚正一  
胡拱辰

耿世安

趙郊發

尹玉

陳炳妣嘗

王安節

李成大潘大同

陶居仁

趙良淳

徐道隆

黃介

吳楚材

趙希洎

趙時賞

蕭雷龍

鄒鳳

刘子俊

刘沐

孫臬

彭震龍

蕭燾夫

陳繼周

宋史出位與標傳

張栻

杜沂

陳奉

趙文義

鞏信

林琦

劉士昭王士敏

蕭明哲

蕭資

呂武

宋季忠義錄卷五目錄終

宋季忠義錄卷五目錄

徐應鑣

趙孟榮

潘方

林空

尹毅

馬陞

劉子存

鄧得遇

徐道明

高應松

趙孟壘

鍾李玉

李希

楊霆

婁鈐轄

黃文政

莫讓之

趙與擇

宋史附入鍾子玉傳

宋史附入劉士昭傳

宋史附入馬陞傳

宋史附入劉士昭傳

宋史附入馬陞傳

忠義十

忠義十

司馬夢求

趙立、曹琦  
宋史附入張珪傳

王仙

徐宗仁  
列傳一百五

劉鼎孫

宋史附入陸秀夫傳

賈純孝  
附賈子坤傳

謝枋得

列傳一百五  
以上本宋史  
以下增補

宋季忠義錄卷六 目錄終

宋季忠義錄卷六 目錄

夏椅

趙與糖

王復

趙時踐

王汝翼  
孟唐老

周真

張孝忠

張德興

清溪二生  
夏椅

章如旦

齊興隆

熊襄

鍾克俊

李長庚

李梓發

趙時修

羅一理

徐子中

胡敬方

曾如驥

易相

謝徽明

韓光國

顏希孔

吳泳

李天勇

劉欽

吳希與

劉伯文

張雲

彭呂

胡文可

胡文靜

錢淵龍

趙孟深

王貴行 鮑廉

趙孟濟

王彥明

施子仁

王在

党仲昇

張鏗

陳億孫

韓明

侯興

陳龍復

黃俊

馬南寶

伍隆起

熊飛

曾逢龍

藍通

丘必明

蔡蒙吉

馬發

張烈良

高桂

趙樵

茅湘

劉定國



謝明

羅開礼

夏師堯

鍾寅

宋季忠義錄卷七  
目錄終

宋季忠義錄卷八  
目錄

胡應炎

王珏

張和孫

邵困

牟大昌

丁衡

徐副尉

高申甫

趙時衆

鄭憲

馮驥

趙良坦

吳觀

何雲

朱光

余廷簡

張漢英

豐存芳

袁鏞

孫璫

陳自中

唐元章

吳德洪

鄭采翁

吳世鳴

毛附鳳

魏亨中

陳壽孫

林逢龍

陳虞之

鮑叔麋

林融

梅寬夫

曹天驥

陳瓚

朱浚

卓得慶

卓規卓權

呂大圭

陳覺伯

朱牧

陳植

雷龍濟

附錄

張鎮孫

張珏

宋季忠義錄卷

凡目錄

四明萬斯同季野輯

李復明

國安用

李仙

王海李雄濟寧

王宣

李良

王鞏

王温

楊大全

黃從龍

王烈

趙申

王雲

王寔王立田秀董亮董玉

何震

武勝

馮有碩

王張認高楊宏叔水

閔貴白傳才

倪政

行通夏廷孫才江德仙

何叔丁楊仁舉

史季儉

楊戡子

張忠

宇文景訥

田智潤

夏昇

呂達

鄭炳孫

周榮 身徽白坊

段元鑑 楊礼 已王初作

張斌

張世雄 沈彦雄 陳喜 秦安 李孝信 鄭候 李安國

輔周

張順

范勝

徐宗武

施擇善 宋史忠義三初

李大會

張寔 楊立

王佐 徐昕

趙廣

上官夔

楊壽孫 宋史有傳

江彥清 上忠義初四

王世昌

馮仲暉

翟國榮

王虎 匡王 大用

張資

王達

劉成 邊居義 宋史忠義

胡夢麟

鮑廉 見卷七

阮應得

謝元 王海 李旺 袁恩 呂再興

孟紀

張敏

雷大震

楊義忠

貝宝 胡岩 楚

胡明

苗再成 見世正錄傳

魏福興

馮都統

王明

張應科

附錄

元史世祖本紀

叛逆諸臣

宋季忠義錄卷九目錄終

宋李忠義錄卷十目錄

家鉉翁

陳仲微 王應麟

黃震

何時 忠義九

黃申 宋史忠義九

張山翁 宋史附入高麗杜傳

陳子敬

徐臻 忠義九

金應 忠義九

杜本

孫轍

吳定翁

危復之

在剛 何中

蘇刘義

鄧光荐

趙必璩

翟龕

王道夫

陳大震

宋季忠義錄卷十目錄終

宋季忠義錄卷十一目錄

謝翺

唐珏

林景熙

吳思齊

方鳳

嚴侶

鄭思肖  
所南

孫嵩

許月卿  
江凱

王炎午

張千載

呂徽之

林清

宋季忠義錄卷十一目錄終

宋季忠義錄卷十二目錄

熊禾

黃仲元

衛富益

胡庭芳

劉友益

俞金

陳普

金履祥

許謙

韓性

汪炎昶

王城

宋季忠義錄卷十二目錄終

宋季忠義錄卷十三目錄

張樞

史伯璿

陳懋

方逢辰

方逢振

何夢桂

魏新之  
袁易

鄭時中

何逢原

夏希賢

孫潼發

汪斗建

徐夢魁

姚仁壽

卽桂子

何景福

王磁

錢選

于石

林子之

林石田

史蒙卿

皇甫明子

鮑輓

陳天瑞

楊珏

周潤祖



杜文甫

黃超然

牟及

趙孟僩

陳壽

友鹿翁

張舜功

曹文炳 文晦

夏圭孫

朱雪

湯緒

金遵古

余容 光

陳潤

陳樞

潘希宗

林起潜 林起濱

蔡希點

丘應辰

刘莊孫

葉得象

鄭興叔

方岳

許嗣

翁森

陳宗儒

吳焱

許德著

宋季忠義錄卷十三目錄終

宋季忠義錄卷十四目錄

四明萬斯同季野輯

鄭樸翁

王英孫

趙孟堅

温日觀

褚雪巖

朱清

汪懋卿

陳應麟

應本仁

吳大有

楊子祥

葉仲凱

石余亨

黃竒孫

潘音

徐天祐

許臬

劉揚祖

姚獬孫

陶椿卿

游汶

欽德載

章鑄

周密

金應桂

謝國光

常詵孫

陸正

王宏

薛魁祥

陶菊隱

徐俊

陳存

劉若濟

李直方

杜濬之

吳謙

吳渭

王昌世

黃叔英

傳未見

汪元量

汪水雲 即汪元量

宋季忠義錄卷十四目錄終

宋季忠義錄卷十五目錄

龔開

孟文龍

俞瑛

陳深

張慶之

宋無

張燮

陸霆龍

梁棟

吳龍翰

胡次焱

滕堯

汪宗臣

程楚翁

王泰來

周之翰

元溥

俞瑛 重出

金可文

沈性

王鵬

馬國珍

唐元

曹知白

陸厚

楊謙

孫稷

蔣捷

汪萊甫

許宗堯

魚潛

范思敬

殷澄

陳公榮

王德裕

余謙一

林天書

沈子真

黃雍

刘志學

刘應李

鄭儀孫

趙必暈

釋德豐

弓敏中

羅鑄夫

張真

許恕

羅榮祖

李偉

朱可興

盧志賢

俞德璘

留東

陳興桂

林壁卿

宋秉孫

丘葵

鄭曾子

黃蘇

范師孔

真山民

趙必諱

陳敬史

趙東山

邵繼賢

梁義夫

刘光

趙弥忠

梅致和

王宗岳

嵇聿

姚和中

黃鎮成

鄭越

鄭君老

李應龍

詹本

丘富國

趙若樞

毛直方

△范學可 中范師孔重夫

趙若

陳一發

區遠之

蘇太初

陳汝達

宋季忠義錄卷十五目錄終

宋季忠義錄卷十六目錄

宗必經

丁中

陳煥

陰幼遇

刘應鳳

康夢吉

于應雷

趙嗣

鄒次陳

宗必應

吳仲軒

程以臨

胡幼安

周焱

曾子良

李朋

王科

黃丙炎

鄭松

王道翁

陳祥甫

李進

李士華

周虛

程時登

周樸

金芑舒

祝泌

李存

王希旦

王億

吳讓

史可麤

余濟

劉辰翁

周以道

周京

文應麟

龐季安

胡仲雲

胡仲霖

胡希是

孫其礼

王奕

戴羽

徐必茂

羅椅

趙文

張子惠

邵定

熊與和

劉詵

龍仁夫  
列岳申

楊應登

劉麟瑞

劉清叟

孫璉

宋李忠義錄卷十六目錄終

宋李忠義錄卷

四明萬斯同季野輯

男世標子建校

恭帝本紀

宋史作瀛國公傳今改正

恭帝名焜度宗皇帝子也母曰全皇后咸淳六年九

月己丑生於臨安府之大內九年十一月授左衛上將

軍封嘉國公十年七月癸未度宗崩奉遺詔即皇帝位

于樞前年四歲謝太后臨朝稱詔甲申兄昀保康節

度使開府儀同三司進封吉王加食邑一千戶弟昺保

寧軍節度使開府儀同三司進封信王加食<sub>邑</sub>一千戶命

平章賈似道依文彥博故事獨班起居丙戌上皇太后

尊號曰壽和聖福太皇太后。皇后曰皇太后。又詔以生日為天瑞節。戊子，命臨安府振贍細民。辛卯，以朱禔孫為京湖四川宣撫使，兼知江陵府。壬寅，詔撫三邊將士。命州郡舉遺逸，除浙西安撫司兩浙轉運司臨安府見追贓賞錢，詔求言。八月甲辰，詔乞言於老臣。江萬里、葉夢鼎、馬廷鸞、留夢炎、趙順孫、王爚、李庭芝築清河城，以圖來上。詔庭芝進一秩，宣勞將士，具名推賞。加知鄂州李雷應守軍器監，知太平州孟之縉尚書兵部員外郎。知江州錢真、孫直、竇章、閣知鎮江軍洪起畏、直敷文閣。癸丑，大霖雨，天目山崩，水涌流。安吉、臨安、餘杭民溺死者

亡算。甲寅，太皇太后以老，不能御正衙，命暫以慈元殿為後殿。辛酉，作度宗廟。戊辰，以全清夫為昭信軍節度使，謝堂檢校少保，謝堂保康軍節度使，馬廷鸞乞骸骨歸田里，詔趣之任。九月丁丑，資政殿大學士光祿大夫王爚乞致仕，詔不允。戊寅，發米賑餘杭、臨安兩縣水災。餘杭災甚，再給米二千石。己卯，似道乞免答拜，從之。辛巳，覆試文武舉士人。壬午，覆試文武舉士人。癸未，大元兵大會于襄陽。丙戌，丞相伯顏將一軍趣郢州。元帥唆都將一軍入淮，翟招討將一軍，狗荊南。丁亥，大元軍薄郢州。戊子，免被水州縣今年田租。甲午，初開經筵。丁酉，天

瑞節免徵臨安府公私房賃錢十日以金符十三銀符百給夏貴激賞奇功己亥試正奏名進士賜王龍澤以下出身有差壬寅有星見西方委曲如蚓復州副將翟國榮遇大元兵戰爛泥湖死之閩中旱冬十月丙午知達州趙章復洋州加右驍騎尉中郎將大元兵破梁州禮義城知州張資自殺丁未統州布衣董聲應進諸史纂約兵鑑刑鑑詔應充史館編校文字癸丑上度宗謚廣西經略司權參議官刑友龍擊潮州漳州寇破之乙卯令州縣行義田義役丁己友龍以下諸將各轉官有差大元兵攻郢州都統制張世傑力戰禦之遂去由

藤湖入漢戊午郢州副都統趙文義追戰全子湖死之恤其家庚申贈翟國榮復州團練使官其二子立廟復州壬戌以錢百萬給郢城屯戍將士甲子詔以明年為德祐元年乙丑以章鑑同知樞密院事兼權參知政事陳宜中簽書樞密院事兼權參知政事大元兵徇沙洋城京湖宣撫司遣總管王虎臣援之丙寅城破虎臣與守隘官王大用皆被執熒惑犯鎮星大元兵至新城戊辰總制黃順出降己己副總制任寧出降都統制邊居義力戰城破赴火死知復州翟貴以城降閩中地震十一月癸酉以朱禔孫為京湖四川宣撫使丁丑命沿江制



置使趙潛巡江策應賜錢百萬激賞戰功戊寅馬廷鸞  
力辭浙東安撫使知紹興府詔依舊觀文殿大學士提  
舉洞霄宮贈趙文義揚清遠軍節度使與其兄威武軍節  
度使文亮共立廟揚州賜名傳忠庚辰以陸秀夫為淮  
東安撫制置司參議官壬午削諸班直溢額人癸未至  
乙酉覆試特奏名士人丙戌以王燾為左丞相燾鑑為  
右丞相並兼樞密使似道自九月乞命左右丞相互至是  
從之以張晏然兼京湖四川宣撫司參議官己丑至庚  
寅覆試特奏名士人壬辰至癸己如上覆試甲午括印  
第戚畹及御前寺觀田令輸租丁酉加安南國王陳日

奭寧遠功臣其子威晃奉正功臣十二月學癸卯朔命建

康府太平州池州賑避兵淮民以隆寒榮賜京湖及沿

江戍守將士甲辰詔淮西四郡水旱去年屯田未輸之

租其勿徵丁未提舉興國宮呂師夔請募兵江州詔知

州錢真孫同募尚書省以錢米給之癸丑大元兵攻陽

邏堡夏貴以兵力守武定軍都統制王達戰死乙卯大

元兵夜以偏師乘雪渡青山磯丙辰都統程鵬飛鏖戰

被重創歸鄂州都統高邦憲屯馬家渡棄舟走被執大

元兵復攻夏貴于陽邏堡都統制劉成以定海水軍戰

死貴敗沿江縱兵大掠歸廬州朱禩孫將兵至鄂州聞

鄂兵敗，夜奔江陵府。己未，權知漢陽軍王儀以城降。呂文煥以北兵攻鄂州。庚申，程鵬飛及權守張晏然以城降。幕僚張山翁不屈，諸將欲殺之。丞相伯顏曰：「義士也。」釋之。詔錢塘仁和兩縣民年七十至九十以上者，賜帛及酒米。癸亥，詔似道都督諸路軍馬，以步軍指揮使孫虎臣總統諸軍，所辟官屬皆先命。後奏，詔天下勤王甲子起，李芾為湖南提刑。乙丑，以高達為湖北制置使，兼安撫。知江陵府，詔遣費浩繁，吾民重困，貴戚釋道田連阡陌，安居暇食，有司覈其租稅收之，贈王達、清遠軍承宣使。庚午，度宗梓宮發引，至浙江上，埃潮漲絕，江潮失期。日晡不至，程鵬飛以北兵徇黃州。知州陳奕遣人請降于壽昌軍李廷芝，以兵勤王。辛未，命州郡節制駐戍，經從兵。

德祐元年春正月癸酉朔，大元兵入黃州。甲戌，陳奕遣人下蘄州，并招其子巖于安東州。丁丑，知蘄州管景模遣人請降于黃州。戊寅，詔浙東卽第出米減價，以呂師夔權刑部尚書、都督府參贊軍事，任中沅，調遣乙酉。以陳宜中同知樞密院事，兼參知政事。呂師夔錢真孫遣人請降于蘄州。丙戌，大元兵徇江州。知安東州陳巖夜遁。邛州降。知壽昌軍胡夢麟寓治于江州。丁亥，自殺。

和氏壬午義度宗子永紹陵元兵入新州於未似道回台師變

戊子知南康軍葉闔遣人請降于江州似道出師知德  
安府來興國以城降夔路安撫張起巖與其將弋德攻  
開州復取之己丑知安慶府范文虎遣人以酒饌如江  
州迎師乙未附度宗神主于新宮以孫虎臣為寧武軍  
節度使戊戌赦京畿罪池州都統張林遣人請降于江  
州大元兵入安慶包文虎降通判夏奇印築城是日印  
使加清北帶置留使高達檄彬少符庚戌大元兵入池  
州權守趙卯發自經死宋京如軍中請稱臣奉歲幣不

丁

得請而還辛亥贈劉成清遠軍承宣使乙卯五郡鎮撫  
呂文福遣所部淮兵入衛降詔褒之丙辰詔勞賈似道  
命都督府歲舉改官如史嵩之故事己未加張起巖福  
州觀察使弋德以下各轉五官庚申虎臣與大元兵戰  
于丁家州敗績奔魯港夏貴不戰而去似道虎臣以單  
舸奔揚州諸軍盡潰翁應龍以都督府印奔臨安壬戌  
大元兵徇饒州知州唐震死之故相江萬里赴水死通  
判萬道以城降沿江制置大使趙潛知鎮江府洪起畏  
知寧國府趙與可知隆興府吳益皆棄城遁知和州王  
壽以城降建康都統翁福出迎大元兵甲子大元兵至

戊子知南康軍葉闡遣人請降于江州似道出師知德安府來興國以城降夔路安撫張起巖與其將弋德攻開州復取之己丑知安慶府范文虎遣人以酒饌如江州迎師乙未附度宗神主于新宮以孫虎臣為寧武軍節度使戊戌赦京畿罪池州都統張林遣人請江州大元兵入安慶范文虎降通判夏椅仰葉成是月知達州鮮汝忠以城降二月癸卯似道以宋京為都督府計議官使大元軍中甲辰以黃萬石為江南西路制置使加湖北制置副使高達檢校少保庚戌大元兵入池州權守趙卯發自經死宋京如軍中請稱臣奉歲幣不

得請而還辛亥贈劉成清遠軍承宣使乙卯五郡鎮撫呂文福遣所部淮兵入衛降詔褒之丙辰詔勞賈似道命都督府歲舉改官如史嵩之故事己未加張起巖福州觀察使弋德以下各轉五官庚申虎臣與大元兵戰于丁家州敗績奔魯港夏貴不戰而去似道虎臣以單舸奔揚州諸軍盡潰翁應龍以都督府印奔臨安壬戌大元兵徇饒州知州唐震死之故相江萬里赴水死通判萬道以城降沿江制置大使趙潛知鎮江府洪起畏知寧國府趙與可知隆興府吳益皆棄城遁知和州王喜以城降建康都統翁福出迎大元兵甲子大元兵至

臨江軍民盡去。知軍鮑廉歿之。似道上書請遷都。乙丑  
下、卿雜議王煥言已不能與大計。遂去。張世傑將兵入  
衛臨安。道饒州。復取之。其將謝元、王海、李旺、袁恩、呂再  
興皆戰死。江西提刑文天祥起兵勤王。丙寅。以天祥為  
江西安撫副使。知贛州。趣入衛。詔募兵。以謝堂為兩浙  
鎮撫使。謝至保寧軍節度使全永堅。謝堂並檢校少保。  
戊辰。徵兩浙福建諸郡廂禁兵之半入衛。湖南提刑李  
芾以兵勤王。知江陰軍。鄭孺弃城遁。知無軍。劉權知  
太平州。孟之縉皆以城降。己巳。次元兵攻嘉定九頂山。  
都統侯興戰死。以陳宜中知樞密院事。兼參知政事。曾

淵子同知樞密院事。兩浙安撫制置大使。兼知臨安府  
文及翁簽書樞密院事。倪普同簽書樞密院事。召王煥  
為浙西江東宣撫招撫太使。使居京師。以備咨訪。遣次  
元國信使郝經等歸。庚午。加夏貴開府儀同三司。令以  
所部兵入衛。令長吏給經過兵民錢米。一切勿征稅。應  
編配拘鎖人。除偽造關會疆劫盜放火者。餘悉縱之。放  
免浙西公田逋米。及諸處見監贓諸文武官在謫籍者。  
並放自便。與叙復。改正。放叅親民。加張珏寧遠軍節度  
使。皆萬壽保康軍節度使。張世傑和州防禦使。令將兵  
入衛。陳宜中乞誅似道。詔罷似道平章都督。予祠。趙與

可除名、令臨安府捕案之招招似道遺兵辛未、右丞相章  
鑑遁三月壬申朔、詔復茶鹽市舶法、似道諸不恤民之  
政次第除之、以公田給佃主、令率其租戶為兵、殿前指  
揮使韓震請遷都、陳宜中殺之、震所部兵叛、攻嘉會門、  
射火箭至大內、急發兵捕之、皆散走、癸酉、都統徐旺榮  
迎大元兵入建康府、鎮江統制石祖忠請降、丁建康命  
浙西提刑司準備差遣劉經、戊吳江、兩浙轉運司準備  
差遣羅林、浙西安撫司叅議官張濡、戊獨松、閩山、陰縣  
丞徐垓、正將郁天與、戊四安鎮、起趙淮為大府寺丞、戊  
銀樹東壩、湖北安撫司計議官吳繼明、攻通城縣、復取  
之、執縣令以歸、遣使召章鑑還朝、甲戌、以似道為醴泉觀  
使、大元兵至無錫縣、知縣阮應得出戰、一軍皆沒、應得  
赴水死、詔發兵戍吳江、乙亥、發兵戍獨松嶺、銅嶺、詔諭  
呂文煥、陳奕、范文虎、使通和議、息兵、以王爚為左丞相、  
兼樞密使、閩中地復大震、丙子、下詔罪已、以陳宜中為  
特進、右丞相、兼樞密使、罷章鑑官、予祠、侍御使陳過請  
竄賈似道、併治其黨人、翁應龍等不俟報而去、監察御  
史潘文卿、季可乞從過所請、乃命捕應龍、下臨安府獄、  
罷廖瑩、中玉、庭劄、良貴、游汶、朱浚、陳伯大、董樸、賁、洪起、  
畏、鎮江、自效、丁丑、知滁州王應龍以城降、己卯、杖翁應

龍刺配吉陽軍命王燾陳宜中並都督諸路軍馬加呂  
文福福州觀察使庚申贈唐震華文開待制削萬道同  
三官罷之壬午復吳潛向士璧官知常州趙與鑿聞兵  
至遁常民錢嘗以城降甲申次元兵至西海州安撫丁  
順降乙酉知東海州施居文乞降于西海州知平江府  
潛說友通判胡玉林鏜以城降加張世傑保康軍承宣  
使總都督府諸軍丙戌知廣德軍令狐槩以城降徙浙  
西提點刑獄司于平江府張世傑遣其將閻順李存進  
軍廣德謝洪永進軍平江李山進軍常州丁亥張德以  
下各轉官有差謝元苒贈十官有星二闕於中天頃之

一星隕己丑滁人執王應龍歸於揚州殺之加呂文福

保康軍承宣使趣入衛文福至饒州殺使者入江州降

次元庚寅左司諫潘文卿右正言季可同知樞密院曾

淵子兩浙轉運副使許自浙東安撫王霖龍相繼皆遁

簽書樞密院文及翁同簽書樞密院倪普諷臺臣劾已

章未上亟出閔通知安東州孫嗣武以城降兩土辛卯

命在京文武官並轉兩官其畔官而遁者令御史臺覺

察以聞閔順戰安吉縣復取鳳平張濡部曲害次元行

人嚴忠範于獨松關執廉希賢至臨安重創死壬辰岳

州安撫高世傑軍洞庭中次元兵攻之世傑降癸巳攻

將罪能自校而歸  
者蘇之漢一州者子知州漢

岳州總制孟之紹以城降甲午詔褒諭張世傑閻順諸  
將各轉官有差乙未免安吉縣今年夏田租有戰沒者  
縣令丞恤之丙申顧順攻廣德軍復取之以陳合同簽  
書樞密院事丁酉贈邊居義利州觀察使戊戌赦邊城  
縣者予知縣所部僚吏將卒及土豪立功者同賞罷章  
鑑祠官并奪宰輔恩數曾淵子削兩官奪執政恩數陳  
過陳堅徐卿孫各削兩官奪侍從恩數趙與鑒追兩官  
罷之遇赦永不收叙罷許自王霖龍令淮東制置司用  
標由庚子徙淮東總領所于江陰軍加吳繼明閣門宣  
贊舍人四月壬寅朔贈趙卯發華文閣待制貶陳過平

江府雄江軍統制洪福率衆復鎮巢軍甲辰贈江萬里  
太師謚文忠鞍視朝二日乙巳大元兵入廣德縣知縣  
王汝翼與寓居官趙時晦率義兵戰鬥山路分孟唐老  
與其二子皆死汝翼被執至建康死之王大用贈三官  
王虎臣贈兩官官其二子午大元兵破沙市城都統  
孟紀死之監鎮司馬夢求自經死戊申京湖宣撫朱禔  
孫湖北制置副使高達以江陵降京湖北路相繼皆下  
張起嚴提兵保飛山己酉命劉師勇戍平江府辛亥顧  
順諸將各轉三官孟唐老贈三官壬子以高斯得簽書  
樞密院事兼權叅知政事總統張敏與大元兵戰豐城



死之癸丑。贈五官。官其一子。阮應得。贈十官。乙卯。以福  
王與丙為武康寧江軍節度使。判紹興府。丙辰。王煥來。令  
如文彥博故事。自朝。叅起居外。免拜。以樞密副使。召夏  
貴提兵入衛。丁巳。總制霍祖勝攻溧陽縣。復取之。戊午。  
贈張資眉州防禦使。侯興復州團練使。乙未。文及翁倪  
普並削一官。奪執政。恩數。潛說友削三官。奪侍從。恩數。  
庚申。~~李~~樑除名。配鬱林州牢城。籍其家。知金壇縣。李  
成大率義局官舍山縣尉。胡傳心陽春主簿。潘大同濠  
梁主簿。潘大壽進士。潘文孫潘應奎攻金壇縣。取之。鎮  
江統制侯岩縣尉。趙嗣濱復助。大元兵來戰。成大二子  
及大同皆死。執成大以歸。壬戌。大元兵攻真州。知州  
苗再成宗子趙孟錦率兵大戰于老鶴嘴。癸亥。加知思  
州田謹賢知播州楊邦憲。並復州團練使。趣兵入衛。有  
大星自心東北流入。濁沒。乙丑。熒惑犯天。江<sup>西</sup>提舉太平  
興國宮常楙請立濟王後。丁卯。加李庭芝叅知政事。戊  
辰。詔宜興溧陽民兵助戰有功。特免今年田租。江陰民  
被兵。其租亦勿收。責。庚午。大元兵至揚<sup>揚</sup>子橋。揚<sup>揚</sup>州都撥  
發官雷大震出戰死。是月。常德鼎澧皆降。五月。辛未。朔  
命宰執日赴朝堂治事。旌德縣城守有功。免其今年田  
租。癸酉。大元兵至寧國縣。知縣趙與<sup>糖</sup>出戰。死。甲戌。淮

安總制李宗榮、知慶遠府仇子直、將兵來勤王。乙亥，加  
苗再成濠州團練使。趙孟錦、揚州都統司計議官。以洪  
福知鎮巢軍。丁丑，詔趙潛統軍民船屯江陰。劉師勇攻  
常州，復取之。執安撫戴之泰、司戶趙必倫。總管陸春戰  
死。戊寅，淮東兵馬鈐轄阮克己將兵來勤王。加左驍騎  
中郎將。己卯，賜婺州處士何基謚文定。王柏承事郎。加  
張珏檢校少保、四川制置副使、知重慶府。庚辰，贈雷大  
震保康軍節度使。辛巳，加劉師勇濠州團練使。其將劉  
圭以下各轉官有差。戊子，贈潘大同等官。餘有功人並  
轉兩官。辛卯，貶潛說友南安軍。吳益汀州。並籍其家罷。

李珣送婺州籍呂文煥、孟之縉、陳奕、范文虎家。甲午，饒  
信州饑，令民入粟補官。罷市舶分司。令通判任舶事。淮  
東西官民各轉一官。丙申，詔張世傑、張彥、阮克己仇子  
真四道出兵。遣使告天地宗廟社稷。諸陵宮觀。己亥，勞  
軍。吳繼明復蒲圻、通城、崇陽三縣。加帶行帶御器械。權  
知鄂州。令擇險為寓治。贈鮑康直華文閣官。其一子趙  
趙與、塘直華文閣。六月，庚子朔，日有食之。既晝，晦如夜。  
智萬壽以嘉定及三龜九頂紫雲城降。知叙州李演將  
兵援嘉定府。遂解歸。戰羊雅江，兵敗。被執。辛丑，太皇太  
后詔削尊號。聖福字。以應天戒。復魏克愚官。太學生蕭

規唐棣並補承信郎知嘉興府余安裕坐聞兵求去貶  
書朝中語涉不道削一官送徽州徐卿孫削一官貶吉  
州命侍從官已上各舉才堪文武者五人餘廷臣各舉  
三人雖在謫籍亦聽舉之丙午王應麟言開慶之禍始  
於丁大全請凡大全之黨在謫籍者皆勿宥從之己酉  
免廣德軍今年田租及諸郡縣未納綱解王應麟繳還  
章鑑曾淵子錄黃言韓震為逆二人實庇之且淵子庇  
翁應龍致有逸罰又嘗竊府庫金以遁庚戌命削鑑一  
一官放歸田里淵子再削一官徙吉州誅翁應龍籍其  
家辛亥銓試甲寅留夢炎入朝王燾請相夢炎乞以經

筵備顧問陳宜中請相夢炎乞祠詔二相毋藉此求間  
以燾為平章軍國重事一月兩赴經筵五日一朝宜中  
左丞相兼樞密使都督諸路兵夢炎右丞相兼樞密使  
都督諸路兵乙卯詔求言知叙州郭漢傑以城降丙辰  
疏決在京罪人免引見戊午知瀘州梅應春以城降己  
未以李庭芝知樞密院事兼參知政事庚申知富順監  
王宗義以城降王應麟復繳還曾淵子貶吉州錄黃癸  
亥貶韶州丙寅吳繼明諸將各轉官有差丁卯朱禔孫  
除名籍其家秋七月庚午朔江西制置黃萬石移治撫  
州詔還隆興府辛未張世傑諸軍戰焦山下敗績甲戌

徒似道居婺州、廖瑩中除名、貶昭州、王庭除名、貶梅州、  
徒魯滌子雷州、寧國吏楊義忠率義兵出戰死、乙亥、贈  
武功大夫、丁丑、徒似道建寧府、太白入東井、庚申、加知  
高郵軍、楮一正、閤門宣贊舍人、知遠軍、金之才、帶御  
器械、知安淮軍、高福、閤門祇候、知泗州、譚興、閤門宣贊  
舍人、知濠州、孫立右衛大將軍、賞守邊功、壬午、太白晝  
見、詔饒州被兵、全免今年田租、路鈴、劉用、調兵入靖州、知  
州、康玉、劫之、通判張起、岩入殺玉、復靖州、癸未、拘內司  
局錢、餉兵、丙戌、令權糴公田、今年租、每石以錢十貫給  
佃主、十貫給種戶、其鎮江、常州、江陰、被兵者、勿糴、庚寅、  
謫似道為高州團練使、貶循州、籍其糴、浙西、邸第、寺觀、  
田米、十之三、追復皮龍榮、官、監司、郡守、避事、不即到官  
者、令御史臺覺察、以聞、辛卯、王煥、子、喉、京、學生、劉九臯、  
等、伏闕、上書、言、宜、中、擅權、黨、似道、范趙、潛、說、友、使、門  
客、子弟、交通、關節、其、誤、因、將、甚、於、似道、宜中、去、遣、使、回  
輩、召、之、皆、不、至、謝、堂、乞、罷、兩、浙、鎮、撫、司、不、從、張、世、傑、乞  
濟、師、不、報、壬、辰、下、劉、九、臯、等、臨、安、獄、罷、王、煥、為、醴、泉、觀  
使、癸、巳、以、夏、貴、知、揚州、楊朱、煥、知、廬、州、甲、午、遣、使、召、宜、中  
還、朝、乙、未、以、陳、文、龍、同、簽、書、樞、密、院、事、兼、權、叅、知、政、事  
通、判、婺、州、張、鎮、孫、聞、兵、遁、罷、其、官、貶、胡、玉、連、州、林、鐘、韶州、

並除名。沿江招討大使汪立信卒。丙申，削李珣兩官。貶潮州。以開慶兵禍，追罪之。嵩之奪其謚，戊戌遣使召宜中還朝。八月己亥朔，總制毛獻忠將衢州兵入衛。辛丑，疏決臨安府罪人。壬寅，右正言徐直方遁。加夏竦樞密使。兩淮宣撫大使李芾、湖南鎮撫大使總制戴虎破大南砦。轉官有差。大元兵駐巴陵縣黃沙。乙巳，吳繼明復平江縣。戊申，試太學上舍生。己酉，拘閻貴妃集慶寺。賈貴妃演福寺。田還安邊所。庚戌，劉師勇攻呂破之。癸丑，復嘉定七司法。丁巳，遣使召宜中還朝。加張世傑神龍衛四廂都指揮使。總都督府諸兵。戊午，加劉師勇和州

防禦使。熒惑犯南斗。趙淇除大理少卿。王庭麟封還錄黃

將官加張世傑太尉等丞請州用以下各將官有差

言。昔內外以寶玉獻似道。淇兄弟為甚。己未，遂罷之。甲

子以文、天祥為浙西江東制置使，兼知平江府。乙丑，揚

州文武官轉兩官。加吳繼明湖北招討使。朱旺諸將各

轉三官。九月己巳，陳宜中授觀文殿大學士。醴泉觀使

兼侍讀左司諫陳景行請令講官坐講，陪宿直。從之。辛

未，加田謹賢福州觀察使。揚邦憲利州觀察使趣入衛。

己卯，陳宜中乞任海防。不允。辛巳，有事于明堂。赦。李成

大被執，不屈死。壬午，贈五官。丙戌，命文天祥為都督府

叅贊官，總三路兵。會稽縣尉鄭虎臣部送似道之貶所。

至漳州殺之。大元兵至泰州和州孫虎臣自殺。庚寅贈太尉免靖州今年田租。辛卯徙李珣梧州。乙未劉良貴再削兩官貶信州。張彥與大兵戰敗被執以城降。冬十月己亥加張世傑沿江招討使劉師勇福州觀察使。總統出戍兵壬寅宜中來癸卯玉牒殿災丁未以夢炎為左丞相宜中為右丞相並兼樞密使都督城臨安辛亥以張世傑為沿江制置副使兼知江陰軍兼浙西策應使丁巳太白會填星戊午領戶部材用常楙中書舍人王應麟請立濟王後贈夏椅直秘閣徵紹興府處士陸應月為史館編校文字壬戌大元兵發建康叅政阿剌

罕四萬戶總管真魯赤將右軍出西安鎮趣獨松關叅政董文炳范文虎將左軍出江入江陰軍丞相伯顏將中軍入常州熒惑犯壘壁陳癸亥張全尹玉麻士龍援常州士龍戰虞撻死全奔五牧朱煥至廬州貴不納煥歸復以為淮東制置副使陳合坐匿廖瑩中家貴奪執政恩數甲子尹玉戰五牧死之張全不戰遁丙寅趣趙潛趙與可鄭孺所募兵詔中外官有習兵略者各以書來上是李<sup>月</sup>世脩以江陰降十一月丁卯朔銅關將貝寶胡岩起攻溧水死贈寶武翼郎岩起朝奉郎庚午以陳文龍同知樞密院事兼權叅知政事黃鏞同簽書樞密

院命諸制司各舉才堪將帥者十人不限偏裨士卒如  
不隸軍中者許投匱自薦辛未起居舍人曾唯辭官不  
允去癸酉贈尹玉濠州團練使麻士龍高州刺史免張  
全朱華臨陳退師罪丁丑詔被俘將士率衆來歸者  
以人數補官能立功者予劄鉞諸閫以下官以所招人  
多寡行賞戊寅火元兵破廣德軍己卯破四安鎮正將  
胡明奇死之召文天祥入衛辛己曾唯削一官免太白  
犯房壬午火元兵至隆興府黃萬石奔撫州遁轉運判  
官劉槃以隆興降癸未火元兵破興化縣知縣胡拱辰  
自殺甲申中書舍人王應麟辭免兼給事中不允火元

兵至常州招降不聽攻二日破之屠其城知州姚訔通  
判陳昭都統王安節皆死劉師勇潰圍奔平江乙酉改  
宜興縣為南興軍禮部侍郎陳景行辭官不允去丙戌  
贈濟王太師尚書令進封鎮王謚昭肅令福王與芮擇  
後奉祀賜田萬畝丁亥獨松關告急趣文天祥入衛戊  
子調民兵出守餘杭錢塘己丑獨松關破馮驥死之張  
濡遁却邑望風皆遁通判平江府鄭疇遁庚寅通判王  
矩之都統制王邦傑遣人迎降于常州辛卯火元兵趨  
撫州都統密佑逆戰于壁邪兵敗死之癸己以張世傑  
為浙西制置副使兼知平江府甲午權禮部尚書王應

麟道黃石提兵走建昌軍乙未左丞相夢炎道丙申遣  
使召夢炎還朝賜餘抗武康長興縣民錢并免今年田  
租鄭疇降一官罷通判撫州施至道以城降十二月丁  
酉朔詔許似道歸葬以其祖田廬還之戊戌復趙與可  
為都督府叅議官放李珣自便己亥贈王汝翼朝奉郎  
庚子以吳堅簽書樞密院事黃鑪兼樞叅知政事遣柳  
岳奉書詣大元軍中稱盜殺康尚書乞班師修好癸卯  
以陳龍為叅知政事兼樞知樞密院事賜謝堂同進士  
出身同知樞密院事甲辰贈姚訔龍圖閣待制其父希  
得贈太師陳烜直寶章閣馮驥集英殿脩撰嘉興府告  
急給封椿庫錢為兵備命趙與傑戍縉雲縣復季可官  
令如龍泉縣募兵乙己以陳景行為浙東安撫副使戊  
處州起方逢辰戍淳安縣丙午追封呂文德和義郡王  
丁未出安邊封椿庫金付浙東諸郡為兵備大元兵入  
平江府起吳君權為大府少卿提點臨平民兵遣使召  
夢炎應麟皆不至戊申張世傑入衛加檢校少保降詔  
獎諭王燾薨輟視朝二日乙酉括臨安府州縣馬庚戌  
柳岳還癸丑遣宗正少卿陸秀夫刑部尚書夏士林兵  
部侍郎呂師孟使軍前詔呂文煥趙孟桂通好己未方  
輿丁廣趙文禮兵皆敗歸庚申以柳岳為工部侍郎洪



儒震為右正言使燕祈請次元兵破大洪山知隨州朱  
端履降權吏部尚書丁應奎左侍郎徐宗仁道癸亥遣  
使召夢炎不至

德祐二年春正月丁丑朔次元兵自元年十月圍潭州  
湖南安撫兼知州李芾拒守三月大小戰數十合力盡  
將破芾闔門死郡人知衡州尹穀亦舉家自焚帥司叅  
議楊震及幕屬陳億孫顏應焱等皆從芾死守將吳繼  
明劉孝忠以城降寶慶降通判曾如驥死之陸秀夫等  
至次元軍中求稱姪納幣不從稱姪孫不從戊辰還太  
皇太后命用臣禮己巳嘉興守劉漢傑以城降庚午同

簽書樞密院事黃鏞參知政事陳文龍遁以謝堂為兩  
浙鎮撫大使文天祥知臨安府金永堅浙東撫諭使辛  
未命吳堅為左丞相兼樞密使常楙參知政事日午宣  
麻慈元殿文班止六人諸閔兵盡潰遣監察御史劉岳  
奉表稱臣上次元皇帝尊號曰仁明神武皇帝歲奉銀  
絹二十五萬乞存境土以奉蒸嘗癸酉左司諫陳孟虎  
監察御史孔應得遁熒惑犯木星甲戌次元兵至瑞州  
知州姚岩桑城去乙亥以賈餘慶知臨安府丙子命吉  
王昺信王昺出鎮丁丑以夏士林簽書樞密院事己卯  
加金永堅太尉參知政事常楙遁三學生誓死不去特

與放釋褐出身以楊亮節為福州觀察提舉使吉王府行  
 事俞如珪為環衛官提舉信王府行事次元兵入安吉  
 州知州趙良濟自經死月暈東井庚辰簽書樞密院夏  
 士林遁辛巳祀太乙宮癸未升封吉王昺為益王判福  
 州福建安撫大使信王昺為廣王判泉州兼判南外宗  
 正事以留夢炎為江東西湖南北宣撫大使甲申次元兵  
 至阜亭山遣監察御史楊應奎上傳國璽降其表曰宋  
 國主臣焜謹百拜奉表言臣眇然幼冲遭家多難權奸  
 似道背盟誤國至勤興師問罪臣非不能遷避以求苟  
 全今天命有歸臣將焉往謹奉太皇太后命削去帝號

以兩浙福建江東西湖南北二廣兩淮四川見存州郡悉  
 上聖朝為宗社生靈祈哀請命伏望聖慈垂念不忍臣  
 三百餘年宗社遽至隕絕曲賜存全則趙氏子孫世世  
 有賴不敢弭忘是夜丞相陳宜中遁張世傑劉義劉  
 師勇各以所部兵去乙酉以文天祥為右丞相兼樞密  
 使都督丙戌命天祥同吳堅使次元軍賜家鉉翁進士  
 出身簽書樞密院事賈餘慶同簽書樞密院事知臨安  
 府戊子知建德軍方回知婺州劉怡知處州梁椅知台  
 州楊必大皆降是月知臨江軍滕岩瞻遁二月丁酉朔  
 日中有黑子相盪如鶩卵辛丑率百官拜表祥曦殿詔

諭郡縣使降，大元使者入臨安府，封府庫，收史館，祀寺圖書及百司符印，告敕罷官府及侍衛軍士，寅猶遣賈餘慶、吳堅、謝堂、劉岳、家鉉、翁充祈請使。是日，大元軍軍錢塘江沙上，潮三日不至。三月丁丑，入朝。五月丙申，朝于上都，降封開府儀同三司、瀛國公。是月，陳宜中、苟立昇于福州。後二年四月，昇殂于碭洲。陸秀夫等復立衛王昺。後三年，始平之。

宋帝入元，既降，封瀛國公。後出居沙漠，生一子，時明宗為周王，過其地，乞為己子，名妥懽帖木耳。久之，寧宗殂，遂代其位，即順帝也。詳見庚申君遺事。宋季忠義錄卷一終

宋季忠義錄卷二  
端宗末，帝本紀。宋史作二王傳，今改正。  
四明萬斯同輯。  
男世標、子建、校

二帝者，度宗庶子也。長建國公昀，母淑妃楊氏。季永國公昀，母脩容俞氏。度宗崩，謝太后召賈似道，入宮議所立。衆以為昀長，當立。似道主立嫡，乃立昀，而封昀為吉王。昀信王。德祐二年正月，文天祥尹臨安，請以二王鎮閩廣，不從。始命二王出閣。大元兵迫臨安，宗親復以請，乃徒封昀為益王，判福州。福建安撫大使昀為廣王，判泉州。兼判南外宗正。以駙馬都尉楊鎮及楊亮節、俞珪為提舉。大元兵至高亭山鎮等，奉之走婺州。丞相伯顏入臨安，遣范文虎將兵趣婺，召鎮以王還。鎮得報，即

史集作高亭山

去曰。我將就死於彼。以緩追兵。亮、劄等遂負王徒步匿山中。七日。其將張全以兵數十人始追及之。遂同走温州。陸秀夫、蘇劉義繼追及於道。遣人召陳宜中于清澳。宜中來謁。復召張世傑于定海。世傑亦以所部兵來。溫之江心寺。高宗南奔時嘗至是。有御座在寺中。衆相率哭座下。奉昱為天下兵馬都元帥。昺副之。及發兵除吏。以秀王與羣為福建察訪使。兼安撫。知西外宗正。趙吉甫知南外宗正。兼福建同提刑。先入閩中。撫吏民。諭同姓。太皇太后尋遣二宦者以兵八人召王于溫。宜中苟沉其兵江中。遂入閩。時汀建諸州方欲從。黃萬石降。聞

昱將至。即閉城却使者。萬石將劉俊、宋彰、周文英輩亦各來歸。五月乙未朔。宜中等乃立昱于福州。以為宋主。改元景炎。冊楊淑妃為太后。同聽政。封信王昺為衛王。宜中為左丞相兼都督。李庭芝為右丞相。陳文龍、劉黻為叅知政事。張世傑為樞密副使。陸秀夫為簽書樞密院事。命吳浚、趙潛、傅卓、李珣、翟國秀等分道出兵。改福州為安福府。温州為瑞安府。郊赦。是日黎明。有大聲出府中。衆皆驚仆。文天祥自鎮江亡歸。庚辰。以為右丞相。兼知樞密院事。遣其將呂武入江淮。招豪傑。杜訢如温州募兵。廣東經畧使徐直諒遣梁雄飛請降于隆興帥。

府乃假雄飛招討使使徇廣州既而直諒聞昱立命權  
通判李性道摧鋒軍將黃俊芾拒雄飛于石門性道不  
戰俊戰敗奔廣州直諒弃城遁六月丙子雄飛入廣州  
諸降將皆授以官俊獨不受遂為衆所殺吳俊<sup>俊</sup>聚兵于  
廣昌取南豐宜黃寧都三縣翟國秀取秀山傅卓至衢  
信諸縣民多應之者命文天祥為同都督七月丁酉進  
兵南劔州欲取江西是月吳浚兵敗於南豐翟國秀聞  
兵至遂引還傅卓兵敗詣江西元帥府降平章阿里海  
牙破嚴關馬暨<sup>暨</sup>退保靜江府八月漳州亂命陳文龍為  
閩廣宣撫使以討之甲戌秀王與羣圍婺州丙子聞火<sup>元</sup>

兵至遂解歸以王積翁為福建提刑招捕使知南劔州  
備禦上三郡黃恮為同提刑招捕使知漳州備禦下三  
郡張世傑遣兵助吳浚與元帥李恒戰兜零兵敗奔寧  
都興化石手軍亂九月復以陳文龍知興化軍東莞人  
熊飛為黃世傑守潮惠二州趙潛至即以兵應之攻雄  
飛于廣州壬寅雄飛遁熊<sup>飛</sup>遂復韶州新會令曾逢龍亦  
帥兵至廣州李性道出迎謁飛與逢龍執而殺之衢州  
守將魏福興出戰福星橋死壬子趙潛入廣州是月招  
討也的迷失會東省兵于福州元帥呂師夔張榮實將  
兵入梅嶺十月壬戌朔文天祥入汀州趙潛遣曾逢龍

就熊飛禦大軍于南雄逢龍戰死熊飛奔韶州大軍圍  
韶州守將劉自立以城降飛率兵巷戰兵敗赴水死十  
有一月叅政阿刺罕董文炳將兵至處州李珣以城降  
甲辰秀王與畢逆戰于瑞安觀察使李世達死之與畢  
及其弟與慮子孟備監軍趙由瑄察訪使林溫被執皆  
死阿刺罕兵至建寧府執守臣趙崇鑑知邵武軍趙時  
賞知南劍州王積翁皆弃城去乙巳是入海癸丑大軍  
至福安州知州王剛中以城降是欲入泉州招撫蒲壽  
庚有異志初壽庚提舉泉州舶司擅蕃舶利者三十年  
是舟至泉壽庚來謁請駐蹕張世傑不可或勸世傑留

壽庚則凡海舶不令自隨世傑不從縱之歸繼而舟不  
足乃掠其舟并沒其貨壽庚乃怒殺諸宗室及士大夫  
與淮兵之在泉者是移潮州是月福興化皆降英德守  
臣凌彌堅徐夢得等亦降十二月辛酉朔趙潛弃廣州  
遁乙丑制置方興亦遁吳浚退走入瑞金戊辰蒲壽庚  
及知泉州田真子以城降知興化軍陳文龍嬰城不下  
乙酉通判曹澄孫以城降文龍被執不屈死是次甲子  
門至元十四年正月大軍破汀閩癸巳知循州劉興降  
壬寅吳浚棄瑞金遁鎮撫孔遵入瑞天文祥走漳州  
浚尋還汀州降戊申知潮州馬發及其通判戚繼祖降

癸丑復來歸丁巳權知梅州錢榮之以城降二月大軍  
至廣州縣人趙若岡以城降廣東諸郡皆降三月文天  
祥取梅州陳文龍從子瓚舉兵殺守將林華據興化軍  
四月文天祥取興國縣廣東制置使張鎮孫襲廣州取  
之梁榮飛等棄城走韶州五月張世傑將兵取潮州文  
天祥提兵自梅州出江西入會昌縣淮民張德興亦起  
兵殺大湖縣丞王德顛據司空山攻下黃州壽昌軍丁  
巳遇宣慰鄭鼎戰樊口鼎墜水死六月辛酉文天祥取  
粵都已邗入興國縣七月遣兵取吉贛諸縣圍贛州衡  
山人趙瑄撫州人何時皆起兵應之乙巳張世傑圍泉

州遣將高日新復邵武淮兵在福州者欲殺王積翁以  
應世傑皆為積翁所戮江西宣慰李恒遣兵援贛州而  
自將兵入興國八月文天祥諸將兵皆<sup>敗</sup>乃引兵即鄒瀨  
於永豐瀨兵亦潰己巳熒惑掩月天色赤壬申文天祥  
兵敗於興國己卯大軍破司空山張德興敗亡走甲申  
天祥至空坑兵盡潰遂挺身走循州諸將皆被執九月  
帥峻都援泉州戊申張世傑歸淺灣左丞塔出將兵入  
大庾嶺叅政也昀迷失將兵復取邵武入福州十月甲  
辰峻都破興化軍陳璜死之進攻潮州馬發拒之乃出  
攻惠州十月塔出圍廣州庚寅張鎮孫以城降元帥劉

深以舟師攻昱於淺灣，昱走秀山。陳宜中入占城，遂不  
反。十二月丙子，昱至井澳，颶風壞舟，幾溺死，遂成疾。旬  
餘，諸兵士始稍稍來集，死者十四五。丁丑，劉深追昱至  
七州洋，執俞如珪以歸。十五年正月，元軍夷廣州城，張  
世傑遣兵攻雷州，不克。己酉，元軍克涪州，執守將王明  
戴二月，元軍破潮州，馬發死之。三月，文天祥取惠州，廣州  
都統凌震轉運判官王道夫取廣州，昱欲往居占城，不  
果，遂駐碭州，遣兵取雷州。曾曾淵子自雷州來，以為叅知  
政事，廣西宣諭使。四月戊辰，昱殂於碭州，其臣號之曰  
端宗。庚午，衆又立衛王昺為主，以陸秀夫為左丞相，是

月，有黃龍見海中。五月癸未朔，改元祥興。乙酉，升碭洲  
為翔龍縣，遣張應科、王用取雷州，應科三戰皆不利，用  
因降。六月丁巳，應科再戰雷州，遂死之。知高州李象祖  
降。己未，昺徙居崖山，升廣州為翔龍府。己巳，有大星東  
南流，陸海中，小星千餘，隨之，聲如雷，數刻乃已。己卯，都  
元帥張弘範、李恒征崖山。七月，趙與珞與謝明、謝富守  
瓊州，阿里海牙遣馬成旺招之，與珞率兵拒於白沙口。  
十一月癸巳，州民執與珞以降。閏月庚戌，王道夫棄廣  
州遁。壬戌，凌震遁。癸亥，大軍入廣州。十二月壬午，王道  
夫攻廣州，兵敗。被執凌震，兵繼至，亦敗。文天祥走海豐。



壬寅被執于五坡嶺震兵又敗於芟塘元大軍破南安縣  
守將李梓發死之十六年正月壬戌張弘範兵至厓山  
庚午李恒兵亦來會世傑以舟師碇海中棊結巨艦千  
餘艘中艦外舳貫以大索四周起樓棚如城堞居曷其  
中大軍攻之艦堅不動又以舟載茅沃以膏脂乘風縱  
火焚之艦皆塗泥縛長木以拒火舟火不能焚二月戊  
寅朔世傑部將陳寶降已卯都統張達以夜襲大軍營  
亡失甚衆癸未有黑氣出山西李恒東早潮退攻其北  
世傑以淮兵殊死戰至午潮上張弘範攻其南南北受  
敵兵士皆疲不能戰俄有一舟檣旗仆諸舟之檣旗遂

皆仆世傑知事去乃抽精兵入中軍諸軍潰翟國秀及  
團練使劉俊等解甲降大軍至中軍會暮且風雨昏霧  
四塞咫尺不相辨世傑乃與蘇劉義斷維以十餘舟奪  
港而去陸秀夫走衛王舟舟大且諸舟環結度不得  
出走乃負曷投海中後宮及諸臣多從死者七日浮尸  
出於海十餘萬人楊太后聞曷死撫膺大慟曰我忍死  
艱關至此者正為趙氏一塊肉尔今無望矣遂赴海死  
世傑葬之海濱已而世傑亦自溺死宋遂亡  
贊曰宋之亡徵已非一日曆數有歸真主御世而宋之  
遺臣區區奉二王為海上之謀可謂不知天命也已然

世傑與楊太后俱溺  
先兆赴海  
仲微記  
衛王李末  
者確

人臣忠於所事而至於斯其亦可悲也夫

廣王本末

陳仲微

陳仲微咸淳為侍左郎官以言事切直罷乙亥除兵部侍郎修國史丙子從二王入廣目擊當時事逐日抄錄崖山敗流落安南臨沒時有詩曰死為異國他鄉鬼生是江南直諫臣安南國主以詩挽之曰痛江南老鉅鄉春風媿淚為傷情無端天上編年月不管人間有死生萬疊白雲遮故國一堆黃壤覆香名回天力量隨流水流水灘頭共不平壬午歲安南國使入覲因言仲微事得所著二王首末重加編次其傳

天定

德祐

丙子正月戊寅廣王益王航海

二月二王由海道趨温州二王駐温州之江心寺蘇

劉義陸秀夫來會時陳宜中海船泊清澳門諸人往

見之共議興復張世傑自定海至同趨三山

三月甲戌二王至福州宣太皇太后手詔廣王益王為

天下兵馬都元帥益王昺為副元帥檄召天下諸路

忠義同獎王室

景炎

元年五月一日廣王登極於福州升福州為福安府改威

武軍為行都之門大都督府為垂拱殿便廳為延和

殿詔改元以德祐二年為景炎元年遙上尊號

太皇太后曰聖壽和福至仁太皇太后全太后曰仁  
安皇太后少帝曰孝恭懿聖皇帝進冊母淑妃為皇  
太妃封弟<sup>二</sup>王昺為衛王妹壽和公主為晉國公主  
以九月<sup>二</sup>十八日為天熙節 陳宜中左丞相張世  
傑少保樞密副使陳文龍劉黻參知政事夔劉義開  
府儀同三司殿前指揮使司馬王剛中知福安府事  
是日百官待漏門外門未啓有物哮吼聲朝士有驚  
**傳者**黃萬石以北命諭福建歸附即武隆建劍守  
臣拒之督府遣兵復即武萬石道  
壬戌文天祥至自行都除右丞相時國方草創陳宜

中專制~~張~~張世傑議論不合遂不肯拜議出督

六月以趙潛為江西制置使進兵即武謝枋得江東

制置<sup>使</sup>進兵饒州~~師~~師夔方興張德分道進兵浙東朱

浚江西招諭使毛統由海道至淮約兵會合先是文

天祥自通州歸具言太守楊思復欲得海船數<sup>通</sup>百艘

可以直趨勤王陳宜中不以為信乃遣毛統之~~州~~州

而不以告天祥統至通州守問文丞相何以無~~守~~守

怒統幾不免統出而通州降矣

七月文天祥開督<sup>府</sup>於南劍時林琦自杭來監丞鄒鳳

自衢來一時忠義之士莫不翕集 鄒鳳江西詔諭

副使分上下三郡備守以王績翁為福建提刑招捕使知南劍任責上郡三備守黃佺同提刑招捕知漳州任責下三郡備守

九月文天祥進兵汀州十月行十一月至而行都隨陷矣十月大元國兵三道趨福州董右丞與魯赤忙古歹都督唆都元帥張洪範萬戶等兵出江西浙東阿罕元帥王世強招討舟師出福州火兵直至

慶州守臣李珣遁十一月董右丞至瑞安府趙與擇李世達等禦之敗績世達遁趙與擇退屯福安城遂降與魯赤軍至邵武朱浚趙時賞遁至建寧府執

十月元董右丞軍至福安縣趙與擇拒戰敗績死

趙崇磯張彭老至南劍州王績翁遁大元兵逼行都陳宜中張世傑備海舟于岸乙巳奉

詳載死事事實

景炎帝益王楊淑妃等登舟戊申發舟入海是時正軍十七萬民兵三十萬有奇內淮兵一萬由東港入海與北舟相遇值天霧晦冥不辨舟得以進至泉州問蒲壽庚索軍糧不反應副遂趨潮州至惠州之甲子門駐焉癸丑阿剌罕王世強舟師至福安府王績翁為內應王剛中以城降朱浚仰藥死文天祥將兵趨廣東入浙十二月景炎帝至廣州守臣薛應龍運使姚良臣迎入州治作行宮

張鎮孫除廣東經畧使後死於難。大元董右丞軍  
至福安縣趙與擇拒戰敗績死之。己丑大元兵攻  
興化軍知軍文龍不降被執至泉州蒲壽庚降至  
漳州知州黃佺通判楊丙以城降。至惠州文壁降。壁  
天祥弟也。徐直諒遁。景炎帝趨於富場。  
景炎二年正月丁丑正月之天祥引兵趨漳州謀入衛道阻不通。二月  
大元國兵檄戍改福安府為福州置宣撫司以潛洗  
友王積翁為副使李雄統領諸部軍後李雄作亂殺  
潛友大兵皆去不留一騎。三月文天祥入梅州  
四月蘇劉義卒。魏京湖老將雖出呂氏乃心在王室

傳作蕭明哲

永嘉推戴實建大功後世傑用事志鬱：不得展其  
人剛躁不可近然能服義終始不失大節。廣中癘  
氣傳染而死哀哉。五月文天祥兵出梅嶺吉贛兵  
皆來會六月大捷於寧都復興國縣於是駐屯遣  
攻贛州諸縣皆復唯城不下龍泉縣孫卓以邑歸正  
遇害永新縣令彭震龍以邑歸正遇害架閣蕭明以  
贛縣義兵收復萬安縣被執死於洪督幹陳子敬招  
集義兵屯皂口據贛下流吉水永豐次皆復前京尹  
吳浚以北兵說降天祥集將吏責以大義斬之  
淮西兵復黃州壽昌軍。六月文天祥兵至吉州戰

於鍾步不利，戰於永豐，又不利，戰於空坑，大敗。未幾，攻贛之兵又敗。行府孤立，空坑之敗，全軍陷沒。天祥妻歐陽氏、男佛生、環生、女柳娘、環娘、妾黃氏、顏氏，被執。幕僚張汴等皆死。江西招討趙時賞、寺簿劉洙、架閣吳文福、督幹林棟皆遇害。天祥與長子道生、客杜澣以數騎免。時處置安撫，聚兵數萬，在永豐境。天祥引兵就之，會其軍亦潰，收散兵復出汀，而南劍建寧即武多有歸正者。諸畬軍皆騷動，尋為元兵收復。天祥兵出會昌，趨循州。是冬，天祥兵屯南嶺。是月，次元兵撤張世傑回朝州，以圖興復。七月壬申，張

畬音蛇

世傑圍泉州，將淮軍反。帝眼許夫人諸洞畬軍兵威稍振。蒲壽庚閉城拒守，興化陳瓚起家丁民義五百人應世傑。八月，謝洪永任進攻泉州南門，不克。而蒲壽庚陰賂畬軍攻城不力，而求救於唆都。元帥王積翁亦遣人至唆都處，趨兵。十一月丙申，唆都元帥犬兵至福州。甲辰，至興化。守臣陳瓚不降，城陷。大軍屠城三時，乃止。血流有聲，車裂瓚五門，以狗至泉州。張世傑解圍去，至潮州。守臣馬發堅守不下。唆都元帥棄而之惠州。與西省呂師夔軍會，合攻廣州。城陷，張鎮孫死之。大元軍至次仙澳，與戰，得利，尋望南去。

止碭州碭州屬廣之東莞縣與州治相對但隔一水  
十二月景炎帝舟遷於謝女峽陳宜中捩拖之占城  
景炎三年 戊寅正月遣舟師防遏海道 已酉峻都元帥自廣  
州因再攻潮州馬發固守凡半月至二月癸亥城陷  
馬發死之屠其城 二月火軍撤戍景炎帝由海道  
再回廣 三月文天祥兵出惠州海豐縣駐麗江  
四月戊辰景炎帝崩於碭州

衛王本末

元祥 元年 戊寅四月庚午衛王即位於碭州景炎帝既崩官將  
欲散獨尚書陸秀夫不可曰諸君散去可也度宗一

子尚在將焉置此古人有一城一旅興者今百官有  
司軍士亦且萬餘人若天道未絕趙祀此豈不可為  
國耶乃相與奉衛王即位於樞前 改元祥興時有  
黃龍升天 以陸秀夫為丞相張世傑太傅文天祥  
少保 六月祥興帝遷於崖山崖山在海中兩山相  
對勢頗寬廣中有一港其口如門可以藏舟世傑以  
為形勝之地乃屯駐於此 造行宮六月入山伐木  
造軍屋千間起行宮三十間內正殿以楊太妃故立  
名慈元殿時官民兵除逃竄死亡外統計二十萬多  
於船上住坐資糧取辦廣右諸郡海外四州 拘刷

人匠蓋海院造船隻治兵器自六月至十月始罷  
十月文天祥引兵至潮陽平群盜人心翕然元大兵  
至崖山張萬戶舟師自海道入廣過崖山有龍橫海  
不得前射之雲霧晝晦遂退攻潮陽姚良臣為右  
丞相夏士林參知政事王德同知樞密院張德為殿  
前都點檢十一月文天祥兵潰被執時元帥張弘  
範以水陸兵奄至潮陽天祥引避山谷行且數日弘  
範以輕騎直趨掩其不備天祥被執服腦子二兩昏  
眩久之不死越七日至帥營天祥踴躍請劍曰此吾  
死所也元帥必欲以禮見天祥曰吾不能跪吾嘗見

伯顏阿木長揖而已或曰奈何不拜天祥曰吾為國  
死何拜爾為張知不能屈遂以平揖相見蓋歲除前  
三日也明年正月二日張元帥脅天祥下海舟十日  
至崖山元帥令天祥以招世傑天祥曰我不能救  
父母乃教人替父母得手有死而已不能從也乃作  
詩復命云人生自古誰無死留取聲名照汗青忠國  
之心終始勿替元帥又謂天祥曰國亡矣政使殺身  
為忠誰復書之天祥曰商非不亡夷齊自不食周粟  
人臣各盡其心何論書與不書元帥為之改容乃驅  
之過北道經吉州痛憤不食八日不死乃復食十月



至樞密院引問天祥酬對不屈繫獄再引問愈不屈  
留燕經年至至元壬午朝廷賜死猶南面而跪念  
不忘君父若是耶張毅甫負公骨殖歸葬至之日毋  
夫人之柩同日至自廣州人謂忠孝所感天祥年四  
十七而歿為人豐下兩目炯然善談論有忠孝大節  
自起兵勤王以至高亭引見議論不屈忠肝義胆出  
至誠聞之莫不興起驅之北行京口得脫間關萬死  
由海道還國赤手起兵又經三年江西之役大事幾  
集英雄無用武之地卒以困敗或謂子明知其不可  
為而為之天祥以為譬猶父母有疾症已難療豈可听其自斃

而不求醫授之七劑猶望其可以更生是烏可以成  
敗論哉所居對文壁峯自號文山為文章未常屬藁

引筆涵之不竭尤長於詩有指南吟嘯集行妻歐陽

氏亦守節而死天祥為祭文曰忠臣不事二君烈女

不更二夫天上地下唯汝與吾天祥弟壁知惠州奉

母夫人就養歸附後歷廣西宣慰使天祥嘆曰兄為

國弟為家各行其志云丁未葬景帝於崖山

祥興二年

已卯正月辛酉太兵攻崖山張世傑不守山門集舟

千餘作一字陣禦之而太兵八山門作長蛇陣對之

崖山有船千餘艘內大船極多張元帥大小船五百

小字注徐時棟曰  
歐陽氏于丞相  
被殺時收其屍  
此言夫人先死  
未知孰是

而二百舟失道久而方至行朝依山作一陣幫縛不可復動於是不可攻人而專受攻矣張元帥弘範至崖山港外停舟喚世傑打話不從弘範又令文天祥以書諭世傑天祥不從時陳宜中如占城乞師久不還張元帥語崖山人曰汝陳丞相已去文丞相且為我所執汝何戰為約二月初六日大戰二月癸未我師敗績次元軍絕其薪水道崖山人食乾飲鹹者十餘日皆疲乏不能戰次元軍乘潮而進兩軍大戰半日南軍大敗世傑乘霧雨昏冥擁祥興帝及楊太妃脫去丞相陸秀夫抱宋衛王赴海死陸秀夫字君實文筆英妙自維揚幕入朝京師永嘉推戴有力及駐崖山凡朝廷事皆秀夫潤色紀綱之秀夫至此知無可奈何乃取舟中物悉沉之仗劍驅其妻子赴水妻挽舟不肯赴水秀夫曰尔去怕我不來於是登御舟啓上曰國事至此陛下當為國死太皇后辱已甚陛下不可以再辱抱宋衛王俱投水中御舟一白鷗奮擊躑躅哀鳴良久竟與一龍俱墜水中內翰劉鼎孫侍即茅湘吏部趙構等溺者數萬張世傑奉楊太后以小舟奔四日遇大風舟將及岸矣舟人催舟師疾進世傑曰無以為也為我取瓣香來香至仰天呼曰我

所以為趙氏者亦已至矣。一君亡復立一君。今又亡。我奉皇太后走者。庶幾彼兵退。別求趙氏立之。以存祀耳。今若此。天意果何如耶。若天不欲我復存。趙氏祀者。則大風覆吾舟。遂覆。

宋得天下以仁。而國勢常病。於不振。孝宗自謂我朝家法。遠過漢唐。惟用兵一事不及。蘓洵論勢。亦謂惠衰而威不振。賞數加於無功。敗軍之罰不加。嚴弱勢浸淫。其來非一日。然渡江以來。君無失德。理宗朝四川殘害。三面被兵。淮甸搔攘。雲南有警。左支右吾。猶能扶持四十二年之天下。度宗嗣位。一國之事。權奸

賈似道實專之。度宗崩。太皇太后與幼君。不過建空名於六服之上。且如己未庚申。渡江東南之危。如一髮之引千鈞。似道在鄂。城下之盟。許納歲幣。而力民元。艾師始歸。似道乃欺理宗。詭曰戰勝。而歲幣又食前言。及及民元。遣使責償。拘留真州。不報。又遣使荆湖。而似道又留之。漢陽之純口。始則請盟。終則背盟。似道知之。天下知之。獨朝廷不之知。爾宋太祖嘗言宰相須用讀書人。似道以寵妃之弟。不學無術。處非其據。休有容之量。忌嫉之念。橫於胃臆。好諛惡直。進佞退賢。粉飾太平。諛言邊事。殺功臣。以失士大夫

之心行公田以斂江浙之怨。主推排以騷動東南之民。造士籍以鉗制東南之士。庀敗將則將校之心離。各軍恭則軍旅之心叛。日積月累。無非夫人心之事。人謀之不臧如此。雖然。國之興亡。亦有天數。與天理存焉。爾。邵子著皇極經世書。推明皇帝王伯之數。有元會運世之說。謂冬復為春。世復為元。今古火元混一。揭宋之土地而歸職方。國號曰元年。號曰元。豈非世復為元之數乎。宋以周顯德七年受禪。至十六傳而幼君名顯。改元德祐。顯德二字。彰著于命名。改號之間。人不之覺。豈非數之終於此乎。前宋以丙午

丁未而遭金禍。推論五行者。謂宋以火德王。故能水勝火。其後丙午丁未。則上下兢。以度厄運。今以丙子丁丑歸古。火元豈非子者午之對。丑者未之對。而納音亦有水勝火之義乎。宋有天下。圖讖久有過唐不及漢之說。漢四百一十一年。唐二百八十六年。宋自建隆庚申開基。至德祐乙亥。凡三百一十六年。豈非過唐不及漢之應乎。此天數之應如此。宋太祖受周太后恭帝禪。杜太后將終。召太祖曰。汝自知所以得天下乎。政由柴氏。使幼兒主天下。群心不附。若周有長君。汝安得至此。豈料三百年後。似道貪權利於

立幼卒至覆國是亦其初取於孤臣寡婦之報也宋  
待柴氏最厚事太后如母撫幼君如子恭惟在大元  
待宋后幼君禮意猶篤是亦其初待柴氏之報也國  
既為宋柴氏族屬並無誅戮崇議之封終三百年如  
一日今在大元於趙氏族屬一無所問亦其初不殺  
柴氏之報也太祖之入京城兵不血刃市不易肆列  
國諸郡聞風而降今在大元兵鋒所至降者不殺過  
江以來迎降恐後郡縣城邑市井依然是亦其初不  
妄殺人之報也此天理之報者如此宋太祖生於丁  
亥以庚申歲建國命曹彬平江南王師係甲戌歲渡  
江以乙亥丙子而平江南丙子歲是為開寶九年今  
在大元太祖聖武皇帝亦生丁亥以庚申歲即位命  
帥伯顏平江南大軍亦係甲戌歲渡江以乙亥丙子  
而平江南丙子歲是為至元十三年宋太祖得國之  
時有讖云十一卜人小下月十五團圓十六缺至幼  
君恰十六傳亦非偶然國之興亡係乎天數而亦關  
於人才之盛衰太祖開基人才輩出列聖相承國致  
平治自王呂擅權章蔡用事小人夤緣為奸或為牙  
爪或為鷹犬或號傳法沙門或稱護法善神釀成靖  
康之禍高宗中興倘無張韓劉岳之徒幾不可為宋

矣而時有中興之臣而無中興之君惜哉度宗以來  
內無賢相外無良將雖有忠良之臣交擯棄而不用  
束手待斃可為長太惜可為流涕者也然忠節之士  
何代不有疾風知勁草板蕩識純臣語曰無求生  
害仁有殺身而成仁孟子曰舍生而取義信哉蓋死  
者人之所難而得其死者猶難也主憂臣辱義在必  
死夫食君之祿死君之難不以生死易其節此誠烈  
丈夫也嗚呼故臨難守節者常足以動敵國之敬嘆  
蓋忠義亦人心所固有也苻秦之攻晉也嘗歎曰周  
孟威不屈於前丁彥遠潔已於後吉祖冲開口而死

何晉氏之多忠金人攻宋見李若水死節嘆曰南朝  
惟李即一人然靖康之難死節五十餘人忠魂義魄  
至今耿斗牛間史直筆安能為斯人隱及會大  
元混一識天時而歸附者固在皇帝之所嘉盡臣道  
而死節者亦在皇帝之所重豈可棄而不錄哉其間  
死城郭封疆者固不能盡知其所知者若李芾死於  
潭天祥死於北庭芝死于兵唐震趙昂發死於郿治江  
萬里徐應儼鄧得遇尹穀赴水死謝枋得不食死朱  
浚仰藥死其他如姜才孫虎臣邊居誼牛范天順  
張漢英趙文義王安節馬堅馬發陳瓚米立趙孟錦

另行低格

司馬夢求其中儒臣死節尤表：在人耳目間歐陽  
修作五代史謂吾於死節之士得三人為今數人者  
史氏亦當以歐陽之筆表而出之庶可發潛德之幽  
光云按前小叙謂壬午歲安南國使入覲得仲  
微所著二王本末今考壬午乃至元十九年其書必  
作于是年之前而元之殺文丞相實在是年之十二  
月仲微安能先知而詳載其事至謝疊山之死在二  
十五年仲微之死在二十年此皆明載于史而論中  
述死節諸臣并及疊山尤為可笑必他人為之撰  
犯時忌以仲微在海外故託其名尔今因二帝事蹟  
下可多觀故備錄之

此處州入  
附錄中

附元史世祖本紀

至元十三年丁卯朔甲申軍次高亭山身宋主遣其臣賈傳  
國璽及降表詣軍前

二月甲子發宋隨朝文士刻哀然及三季諸生赴京師

三月甲戌宋福王与為自浙東至伯顏軍中與為度宗父  
恭帝祖也

乙亥伯顏等發臨安

丁丑阿塔海等趣宋主焜及全太后入覲母子皆乘輿出

宮惟太皇太后謝氏以疾留

戊寅勅諸路儒戶元設九儒十丐  
之制故有儒戶通文孝者三千八百九

以下九條  
不見本紀  
未如代仍  
實錄出

十、並免其徭役其富貴以儒戶避役者為民貧乏者五百戶隸太常寺

五月乙未朔伯顏以宋主焘至上都制授開府儀同三司檢校大司徒封瀛國公

壬寅宋三學生四十六人至京師

九月庚子命姚樞王磐選宋三季生之有實季者留京師餘聽還家辛酉召宋宗臣鄂州教授趙與票赴闕

# 票

十四年正月甲寅勅宋福王趙与芮家貨之在杭越者有司輦至京師付其家

二月丙戌詔以僧元吉祥怜真加加瓦並為江南總掛掌

釋教除僧租賦禁擾寺宇者

五月癸卯勅江南歸附官三品以上者遣質子一人入侍

十一月庚子命中書省檄諭中外江南既平宋宜曰亡宋行在宜曰杭州

十五年正月戊申授宋福王趙与芮金紫光祿大夫檢校大司農平原郡公

六月<sup>甲戌</sup>宋故官應入仕者付吏部錄用

十六年正月己酉朔甲戌張弘範將兵追宋二王至崖山

寨張世傑來拒敗之世傑遁去廣王昺偕其官屬俱赴海死獲其金宝以獻



十九年十二月乙未中書省臣言平原郡公趙与為瀛國公趙鼎翰林直學士趙与票宜並居上都帝曰与尚老矣當留大都餘如所言繼有旨給瀛國公衣糧發遣之惟与票勿行以中書薛保任上匿名書告變殺宋丞相文天祥二十一年九月丙申以江南總督楊璉真加發宋陵寢所收金銀寶器修天衣寺

二十二年正月庚辰毀宋郊天臺桑哥言楊璉真加云會稽有泰寧寺宋毀之以建寧宗寺攢宮錢唐有龍華寺宋毀之以為南郊皆勝地也宜復為寺以為皇上東宮祈壽

時寧宗寺攢宮已毀建勅毀郊天臺亦建寺焉

二十三年正月壬午從桑哥言命楊璉真加遣宋宗戚謝儀孫全允堅趙沂趙太一入質

二十五年十月庚午瀛國公趙鼎奉佛法于土蕃

二十八年十二月己巳宣政院臣言宋金太后瀛國公母子已為僧尼有地三百六十頃乞如例免徵其稅從之

二十六年十二月辛巳紹興路總管府判官白絜矩言宋趙氏族人散居江南百姓敬之不衰久而非便宜悉徙京

師桑哥以聞請擢絜矩為尚書省舍人從之

二十七年四月癸未江淮行省言近朝廷遣白絜矩來與沙不丁議令發兼并戶偕宋宗族赴京人心必致動搖江

南之民方患增課料民括馬之苦且俟他日遣行從之

附續資治通鑑綱目

宋端宗景炎元年八月元人以太皇太后謝氏北去太  
皇以疾久留臨安至是元人自宮中舁其牀以出侍衛七  
十人遂赴燕降封壽春郡夫人

末帝祥興元年十月元西僧楊璉真加發紹興諸陵

楊璉真加利宋殯宮金玉發諸陵在紹興者及大臣塚墓

凡一百一所又欲哀諸陵骨襍牛馬枯骼為鎮南浮屠于

杭州會稽人唐珏痛憤貨家具行貨得白金為酒食召諸

惡少泣曰爾輩皆宋人吾不忍陵骨之暴露欲以他骨易

之已造石函六刻紀年一字為號自思陵以下隨號收殯

衆如其言夜往取遺骸瘞蘭亭山後又移宋故宫冬青樹

植其上以識聞者悲之

元世祖至元二十一年十二月宋太皇太后謝氏卒于燕

宋季忠義錄卷二終

宋季忠義錄卷三

四明萬斯同季野輯

男世標子建校

江萬里

江萬頃江鶴  
趙崇標

江萬里字子遠都昌人自其父燁始業儒大父璘鄉稱  
善人其鄰史知縣者夸其能杖譁健士璘俛首不答歸  
語燁曰史祖父故寒士今居官以杖士人自意於我心  
有不釋然審爾史氏且不昌汝其戒之是夕燁妻陳夢  
貴人入其家曰以汝家長有善言故來已而有娠生萬  
里少神雋有鋒穎連舉于鄉入太學有文聲理宗在潛  
邸嘗書其姓名几研間以舍選出身歷池州教授沿江

制置司準備差遣兩浙安撫司幹辦公事召試館職累  
遷著作佐郎權尚左書郎官兼樞密院檢詳文字知吉州  
創白鷺洲書院兼提舉江西常平茶監召為屯田郎官  
未行遷直祕閣江西轉運判官兼權知隆興府創宗兼  
書院遷考功郎官命旋寢久之以駕部郎官召遷尚右  
兼侍講史嵩之罷相拜監察御史仍兼侍講未幾遷右  
正言殿中侍御史又遷侍御史未及拜萬里器望清峻  
論議風采傾動一時帝眷注尤厚嘗句祠省母疾不許  
屬弟萬頃奉母歸南康旋以母病聞萬里不俟報馳歸  
至祁門得訃而議者謂萬里母死祀不奔喪反挾妾媵

自隨於是側目萬里者相與騰謗萬里無以自解坐是  
閒廢者十有二年後陸德輿辨其非辜於帝前賈似道  
宣撫兩浙辟叅謀官及似道同知樞密院為京湖宣撫  
大使以萬里帶行寶章閣待制為叅謀官次元兵圍鄂  
似道以右丞和兼樞密使移軍漢陽萬里遷刑部侍郎似  
道入相萬里兼國子祭酒侍讀入對遷權吏部尚書又  
拜端明殿學士同簽書樞密院事兼太子賓客隨以言  
者去官後以原職知建寧府兼權福建轉運使已而加  
資政殿學士依舊職知福州兼福建安撫使度宗即位  
召同知樞密院事兼權叅知政事遷叅知政事萬里始

雖俛仰容默為似道用然性峭直臨事不能無言似道  
常惡其輕發故每入不能久在位似道以去要君帝初  
即位呼為師宰相至涕泣拜留之萬里以身掖帝云自  
古無此君臣禮陛下不可拜似道不可復言去似道不  
知所為下殿舉笏謝萬里曰微公似道幾為千古罪人  
然以此益忌之帝在講筵每問經史疑義及古人姓名  
似道不能對萬里常從旁代對時王夫人頗知書帝語  
夫人以為笑似道聞之積慙怒謀逐之萬里四旬祠不  
候報出關加資政殿大學士知慶元府兼沿海制置使  
不拜予祠後二年知太平州兼提領江淮茶鹽兼江東

旬

旬

轉運使召拜叅知政事進封南康郡公既至拜左丞相  
兼樞密使旬祠加觀文殿大學士知福州辭依舊職提  
舉洞霄宮又授知潭州湖南安撫大使加特進尋予祠  
時咸淳九年萬里年七十有六矣明年大元兵渡江萬  
里隱草野間為遊騎所執大詬欲自戕既而脫歸先是  
萬里聞襄樊失守鑿池芝山後圃扁其亭曰止水人莫  
諭其意及聞警執門人陳備器手曰大勢不可支余雖  
不在位當與國為存亡及饒州城破軍士執萬頃索金  
銀不得支解之萬里竟赴止水死左右及子鎬相繼投  
沼中積尸如疊翼日萬里尸獨浮出水上從者草斂之

萬里無子以蜀人王楸子為後即鎬也事聞贈太傅益國公後加贈太師謚文忠萬頃歷守大郡為提舉江西常平茶鹽官至正郎城破時柳州守趙崇楨寓居城中亦死之

文天祥

文天祥字宋瑞又字履善吉之吉水人也軀貌豐偉美哲如玉秀眉而長目碩盼燁然自為童子時見學宮所祠鄉先生歐陽修楊邦乂胡銓像皆謚忠即欣然慕之曰沒不俎豆其間非夫也年二十舉進士對策集英殿時理宗在位久政理浸急天祥以法天不息為對其言

萬餘不為藁一揮而成帝親拔為第一考官王應麟奏曰是卷古誼若龜鑑忠肝如鉄石臣敢為得人賀尋丁

父憂歸開慶初大元兵伐宋宦官董宋臣說上遷都人

莫敢議其非者天祥時入為寧海軍節度判官上書乞

斬宋臣以一人心不報即自免歸後稍遷至刑部郎官

宋臣復入為都知天祥又上書極言其罪亦不報出守

瑞州改江西提刑遷書左司郎官累為臺臣論罷除軍

器監兼權直學士院賈似道稱病乞致仕以要君有詔

不允天祥當制語皆諷似道時內制相承皆呈藁天祥

不呈藁似道不樂使臺臣張志立劾罷之天祥既數斥

援錢若水例致仕時年三十七咸淳九年起為湖南提  
刑因見故相江萬里萬里素竒天祥志節語及國事愀  
然曰吾老矣觀天時人事當有變吾閱人多矣世道之  
責其在君乎君其勉之十年改知贛州德祐初江上報  
急詔天下勤王天祥捧詔涕泣使陳繼周發郡中豪傑  
并結溪峒蠻使方興召吉州兵諸豪傑皆應有衆萬人  
事聞以江西提刑安撫使召入衛其友止之曰今大兵  
三道鼓行破郊畿薄內地君以烏合萬餘赴之是何異  
驅群羊而搏猛虎天祥曰吾亦知其然也第國家養育  
臣庶三百餘年一旦有急徵天下兵無一人一騎入關

者吾深恨於此故不自量力而以身殉之庶天下忠義  
士持有聞風而起者義勝者謀立人衆者功濟如此則  
社稷猶可保也天祥性豪華平生自奉甚厚聲伎滿前  
至是痛自貶損盡以家貲為軍費每與賓佐語及時事  
輒流涕撫几言曰樂人之樂者憂人之憂食人之食者  
死人之事八月天祥提兵至臨安除知平江府時以丞  
相宜中未還朝不遣十月宜中至始遣之朝議方擢呂  
師孟為兵部尚書封呂文德和義郡王欲賴以求好師  
孟益偃蹇自肆天祥陛辭上疏言朝廷姑息牽制之意  
多奮發剛斷之義少乞斬師孟蒙鼓以作將士之氣且

言宋懲五季之亂削藩鎮建郡邑一時雖足以矯尾大之弊然國亦以寢弱故敵至一州則破一州至一縣則破一縣中原陸沈痛悔何及今宜分天下為四鎮建都督統御於其中以廣西益湖南而建閩於長沙以廣東益江西而建閩於隆興以福建益江東而建閩於番陽以淮西益淮東而建閩於揚州青長沙取鄂隆興取蘄黃番陽取江東揚州取兩淮使其地大力衆足以抗敵約日齊奮有進無退日夜以圖之彼備多力分疲於奔命而吾民之豪傑者又伺間出其中如此則敵不難却也時議以天祥論闊遠書奏不報十月天祥入平江火

元兵已發金陵入常州矣天祥遣其將朱華尹玉麻士龍與張全援常至虞橋士龍戰死朱華以廣軍戰五牧敗績玉軍亦敗爭渡水挽全軍舟全軍斲其指皆溺死玉以殘兵五百人夜戰比旦皆沒全不發一矢走歸火元兵破常州入獨松關宜中夢炎召天祥棄平江守餘杭明年正月除知臨安府未幾宋降宜中世傑皆去仍除天祥樞密使尋除右丞相兼樞密使使如軍中請和與火元丞相伯顏抗論阜亭山丞相怒拘之偕左丞相吳堅右丞相賈餘慶知樞密院事謝堂簽書樞密院事家鉉翁同簽書樞密院事劉岳北至鎮江天祥與其客



杜澣十二人夜亡入真州苗再成出迎喜且泣曰兩淮  
兵足以興復特二閩小隙不能合從耳天祥問計將安  
出再成曰今先約淮西兵趨建康彼必悉力以扞吾西  
兵指揮東諸將以通泰兵攻灣頭以高郵寶應淮安兵  
攻揚子橋以揚兵攻瓜步吾可以舟師直持鎮江同日  
大舉灣頭揚子橋皆沿江脆兵且日夜望我師之至攻  
之即下合攻瓜步之三面吾自江中一面薄之雖有智  
者不能為之謀矣瓜步既舉以東兵入京口西兵入金  
陵要浙歸路其大帥可坐致也天祥大稱善即以書遺  
二制置遣使四出約結天祥未至時揚有脫歸兵言密

遣一丞相入真州說降矣庭芝信之以為天祥來說降  
也使再成亟殺之再成不忍給天祥出相城壘以制文  
示之閉之門外久之復遣二路分覘天祥果說降者即  
殺之二路分與天祥語見其忠義亦不忍殺以兵二十  
人道之揚四鼓抵城下聞候門者談制置司下令捕文  
丞相甚急衆相顧吐舌乃東入海道遇兵伏環堵得免  
然亦飢莫能起從樵者乞得餘糝羹行入板橋兵又至  
衆走伏叢篠中兵入索之執杜澣金應而去虞侯張慶  
天中目身被二創天祥偶不見獲澣應解所懷金與卒  
獲免募二樵者以藟荷天祥至高郵汎海至温州聞益

王未立乃上表勸進以觀文殿學士侍讀召至福拜右丞相尋與冝中并議不合七月乃以同都督出江西遂行杖兵入汀州十月遣叅謀趙時賞諮議趙孟滌將一軍取寧都叅贊吳浚將一軍取雩都劉洙蕭明哲陳子敬皆自江西起兵來會鄒鳳以招諭副使聚兵寧都大元兵攻之鳳兵敗同起事者劉欽鞠華叔顏斯立顏起巖皆死武岡教授羅開禮起兵復永豐縣已而兵敗被執死於獄天祥開開禮死製服哭之哀至元十四年正月大元兵入汀州天祥遂移漳州乞入衛時賞孟滌亦提兵歸獨浚兵不至未幾浚降來說天祥天祥縛浚縊殺

之四月入梅州都統王福錢英跋扈斬以徇五月出江西入會昌六月入興國縣七月遣叅謀張汴監軍趙時賞趙孟滌等盛兵薄贛城鄒鳳以贛諸縣兵擣於永豐其副黎貴達以吉諸縣兵攻泰和吉八縣復其半惟贛不下臨洪諸郡皆送款潭趙璠張虎張唐熊桂劉斗元吳希奭陳子全王夢應起兵即永間復數縣撫州何時等皆起兵應天祥分寧武建昌三縣豪傑皆遣人如軍中受約束江西宣慰使李恒遣兵援贛州而自將兵攻天祥于興國天祥不意恒兵猝至乃引兵走即鄒鳳于永豐鳳兵先潰恒窮追天祥方石鎮鞏信拒戰箭被射

死之至空坑軍士皆潰天祥妻妾子女皆見執時賞坐  
肩輿後兵問謂誰時賞曰我姓文衆以為天祥禽之而  
歸天祥以此得逸去孫臬彭震龍張汴死于兵繆朝宗  
自縊死吳文炳林棟劉洙皆被執歸隆興時賞奮罵不  
屈有係累至者輒麾去云小小僉廳官耳執此何為由  
是脫者甚衆臨刑洙頗自辯時賞叱曰死耳何必然於  
是棟文炳蕭敬夫蕭壽夫皆不免天祥收殘兵奔循州  
駐南嶺黎貴達潛謀降執而殺之至元十五年三月進  
屯麗江浦六月入船澳益王昀衛王繼立天祥上表自  
劾乞入朝不許八月加天祥少保信國公軍中疫且起

兵士死者數百人天祥惟一子與其母皆死十一月進

攻潮陽縣潮州盜陳懿劉興教叛附為潮人害天祥攻

走懿執興誅之十二月趨南嶺張弘範兵突至衆不及

戰皆頓首伏草莽天祥倉皇出走千戶王惟義前執之

天祥吞腦子不死鄒淵自頸衆扶入南嶺死官屬士卒

得脫空坑者至是劉子被陳龍復蕭明哲蕭資皆死杜

訥被執以憂死惟趙孟滂遁張唐熊桂吳希真陳子全

兵敗被獲俱死焉唐廣漢張拭後也天祥至潮陽見弘

範左右命之拜不拜弘範遂以客禮見之輿俱入厓山

使為書招張世傑天祥曰吾不能扞父母乃教人叛父

鄒淵劉子俊又自江西起兵未再攻懿竟懿乃落遁元帥張洪範兵濟潮陽

毋可乎索之固乃書所遇零丁洋詩與之其末有云人生自古誰無死留取丹心照汗青弘範笑而置之厓山破軍中置酒大會弘範曰國亡丞相忠孝盡矣能改心以事宋者事皇上將不失為宰相也天祥泫然出涕曰國亡不能救為人臣者死有餘罪况敢逃其死而二其心乎弘範義之遣使護送天祥至京師天祥在道不食八日不死即復食至燕館人供張甚盛天祥不寢處坐達旦遂移兵馬司設卒以守之時世祖皇帝多求才南官王積翁言南人無如天祥者遂遣積翁諭旨天祥曰國亡吾分一死矣倘緣寬假得以黃冠歸故鄉他日以

方外備顧問可也若遽官之非直亡國之大夫不可與圖存舉其平生而盡棄之將為用我積翁欲合宋官謝昌元等十人請釋天祥為道士留夢炎不可曰天祥出復號召江南置吾十人於何地事遂已天祥在燕凡三年上知天祥終不屈也與宰相議釋之有以天祥起兵江西事為言者不果釋至元十九年有閩僧言土星犯帝坐疑有變未幾中人有狂人自稱宋主有兵千人欲取文丞相京城亦有匿名書言某日燒城蕭率兩翼兵為亂丞相可無憂者時盜新殺左丞相阿合馬命撤城蕭遷瀛國公及宋宗室開平疑丞相者天祥也召入諭

之曰汝何願天祥對曰天祥受宋恩為宰相安事二姓願賜之一死足矣然猶不忍遽麾之退言者力贊從天祥之請從之俄有詔使止之天祥死矣天祥臨刑殊從容謂吏卒曰吾事畢矣南鄉拜而死數日其妻陵陽氏收其屍面如生年四十七其衣帶中有贊曰孔曰成仁孟曰反義惟其義盡所以仁至讀聖賢書所學何事而

文天祥傳原稿尚有宋元通鑑一段述索羅

與天祥辯詰語凡數百言上批云刪入附錄

今寫樣無此一段未知所謂附錄者係另為

一卷抑當作注附於本傳下也

山之破張弘範等置酒大會謂天祥曰國亡丞相忠孝

盡矣能改心以事宋者事今將不矣為宰相也天祥法

然出涕曰國亡不能救為人臣者死有餘罪況敢逃其

死而二其心乎弘範義之遣使護送天祥赴燕道經吉

州痛恨不食八日枕生乃復食至是至燕館人供張甚

盛天祥不寢處坐達旦遂殺兵馬司設卒守之既而丞相

羅等召見於樞密院天祥入長揖欲使跪天祥曰南

之揖北之跪予南人行南禮可贊跪乎羅叱左右曳

之地或抑項或扼其背天祥曰屈仰首言曰天下事有

與有廢自古帝王以及將相滅亡誅戮何代無之天祥

今日忠于宋氏以至於此願求早死羅曰汝謂有與

之曰汝何願天祥對曰天祥受宋恩為宰相安事二姓願賜之一死足矣然猶不忍遽麾之退言者力贊從天祥之請從之俄有詔使止之天祥死矣天祥臨刑殊從容謂吏卒曰吾事畢矣南鄉拜而死數日其妻陵陽氏收其屍面如生年四十七其衣帶中有贊曰孔子成仁孟曰取義惟其義盡所以仁至讀聖賢書所學何事而今而後庶幾無媿

宋元通鑑

宋末帝祥興二年

元元世祖至冬十月

文天祥至燕初居

山之破張弘範等置酒大會謂天祥曰國亡丞相忠孝

盡矣能改心以事宋者事今將不失為宰相也天祥泣

然出涕曰國亡不能救為人臣者死有餘罪况敢逃其

死而二其心乎弘範義之遣使護送天祥赴燕道經吉

州痛恨不食八日枕生乃復食至是至燕館人供張甚

盛天祥不寢處坐達旦遂移兵馬司設卒守之既而丞相

羅等召見於樞密院天祥入長揖欲使跪天祥曰南

之揖北之跪予南人行南礼可贊跪乎羅叱左右曳

之地或抑項或扼其背天祥曰屈仰首言曰天下事有

與有廢自古帝王以及將相滅亡誅戮何代無之天祥

今日忠于宋氏以至於此願求早死羅曰汝謂有與

有廢且問盤古帝王。至今日。幾帝幾王一。一為我言之。  
天祥曰。一部十七史。從何處說起。吾今日非應博學宏  
詞科。何暇汎論。字羅曰。汝不肯說廢興事。且道自古以  
來。有以宗廟土地與人而復逃者乎。天祥曰。奉國與人  
是賣國之臣也。賣國者。有所利而為之。必不去。去者。必  
非賣者也。予前宰相。不拜。奉使軍前。尋被拘執。已而  
有賊臣獻國。亡當死。所以不死者。以度宗二子在浙  
東。老母在廣。故耳。字羅曰。棄德祐嗣君。而立二王。忠乎。  
天祥曰。當此之時。社稷為重。君為輕。吾別立君。為宗廟  
社稷計也。從懷愍而北者。非忠。從元帝為忠。從徽欽而  
北者。非忠。從高宗為忠。字羅語塞。忽曰。晉元帝。宋高宗  
皆有所受命。二王不以正是篡也。天祥曰。景炎乃度宗  
長子。德祐親兄。尚可謂不正。登極於德祐去位之後。不  
可為篡。陳丞相以太皇命。奉二王出宮。不可謂無所受  
命。字羅等皆無辭。但以無受命為解。天祥曰。天與之人  
歸之。雖無傳受之命。推戴推立。亦何不可。字羅怒曰。尔  
立二王。竟成何功。天祥曰。立君以存宗社。存一日。則盡  
臣子一日之責。何功之有。曰。既知其不可。何必為天祥  
曰。父母有疾。雖不可為。無不下藥之理。盡吾心為。不可  
救。則天命也。今日天祥至此。有死而已。何必多言。字羅

欲殺之而元主及大臣不可弘範病中亦表奏天祥忠於所事願釋勿殺乃囚之

鄭所南心史書文丞相事言公自序本末未有稱彼曰大目曰丞相又自稱天祥皆非公本語日本皆直斥彼箇名然則今之本皆撰錄者自改

## 下皆相連寫

李庭芝

李庭芝字祥甫其先汴人十二世同居號義門李氏後徙隨之應山縣金亡襄漢被兵又徙隨然特以武顯庭

芝生時有芝產屋棟鄉人聚觀以為生男祥也遂以名之少穎異日能誦數千言而智識恒出長老之上王昶守隨庭芝年十八告其諸父曰王公貪而不恤下下多怨之隨必亂請徙家德安以避諸父勉強從之未浹旬昶果為部曲挾之以叛隨民死者甚衆嘉熙末江防甚急庭芝得鄉舉不行以策干剴帥孟珙請自效珙善相人且夜夢車騎稱李尚書謁已明日庭芝至珙見其魁偉顧諸子曰吾相人多無如李生者其名位當過我時四川有警即以庭芝權施之建始縣庭芝至訓農治兵選壯士雜官軍教之期年民皆知戰守善馳逐無事則



植戈而耕兵至則悉出而戰夔帥下其法於所部行之  
淳祐初始去舉進士中第辟珙幕中主管機宜文字珙  
卒遺表舉賈似道自代而薦庭芝於似道庭芝感珙知  
已扶其柩葬之興國即棄官歸為珙行三年喪似道鎮  
京湖起為制置司叅議移鎮兩淮與似道議柵清河五  
河口增淮南烽百二十繼知濠州復城荆山以備淮南  
皆切中機會開慶元年似道宣撫京湖留庭芝權揚州  
尋以大兵在蜀奏知峽州以防蜀江口朝廷以趙與憲  
為淮南制置李應庚為叅議官應庚發兩路兵城南城  
大暑中暍死數萬李璫窺其無謀奪漣水三城渡淮奪  
南城鄂兵解庭芝丁母憂去朝議擇守揚者帝曰無如  
李庭芝乃奪情主管兩淮制置司事庭芝再破璫兵殺  
璫將厲元帥夷南城而歸明年復敗璫於喬村破東海  
石圃等城又明年璫降徙三城民於通泰之間又破蘄  
縣殺守將庭芝初至揚時揚新遭火廬舍盡燬州賴鹽  
為利而亭戶多亡公公私蕭然庭芝悉貸民貧逋假錢  
使為屋屋成又免其假錢凡一歲官民居皆具鑿河四  
十里入金沙餘慶塲以省車運兼浚他運河放亭戶負  
鹽二百餘萬亭民無車運之勞又得免所負逃者皆來  
歸鹽利大興始平山堂瞰揚城大元兵至則構望樓其

上張車弩以射城中庭芝乃築大城包之城中募汴南  
流民二萬人以實之有命為武銳軍又大修學為詩  
書俎豆與士行習射禮郡中有水旱即命發廩不足則  
以私財賑之揚民德之如父母劉槃自淮南入朝帝問  
淮事槃對曰李庭芝老成謹重軍民安之今邊塵不驚  
百度具舉皆陛下委任得人之效也咸淳五年北兵圍  
襄陽急夏貴入援大敗虎尾州范文虎總諸兵再入又  
敗文虎以輕舸遁兵亂士卒溺漢水死者甚衆冬命庭  
芝以京湖制置大使督師援襄陽文虎聞庭芝至貽書  
似道曰吾將兵數萬入襄陽一戰可手但無使聽命於

京闈事成則功歸恩相矣似道喜即除文虎福州觀察  
使其兵從中制之文虎日攜美妾走馬擊毬軍中為樂  
庭芝屢欲進兵曰吾取旨未至也明年六月漢水溢文  
虎不得已始一出師未至鹿門中道遁去庭芝數自劾  
請代不允竟失襄陽陳宜中請誅文虎似道庇之止降  
一官知安慶府而貶庭芝及部將蘓劉義范友信廣南  
庾芝罷居京口未幾大元兵圍揚州制置印應雷暴死  
即起庭芝制置兩淮庭芝請分淮西夏貴而已得專力  
淮東從之十年築清河詔以為清河軍十二月大元  
兵破鄂詔天下勤王庭芝首遣兵為諸道倡德祐元年

春似道兵潰蕪湖沿江諸郡或降或遁無一人能守者  
庭芝率所部郡縣城守有李虎者持招降榜入揚州庭  
芝誅虎焚其榜總制張俊出戰持盃之縉書來招降庭  
芝焚書梟俊五人於市而日調苗再成戰其南許文德  
戰其北姜才施忠戰其中時出金帛牛酒燕犒將士人  
人為之死鬪朝廷亦以督府金勞之加庭芝叅知政事  
七月以知樞密院事徵入朝徙夏竦知揚州竦不至事  
遂已十月次元丞相伯顏入臨安留元帥阿朮軍鎮江  
以遏淮兵阿朮攻揚久不拔乃築長圍困之冬城中食  
盡死者滿道明年二月飢益甚赴濠水死者日數百道

有死者衆爭割啖之立盡宋亡謝太后及瀛國公為詔  
諭之降庭芝登城曰奉詔守城未聞有詔諭降也已而  
西宮入朝至瓜洲復詔庭芝曰此詔卿納款日久未報  
豈未悉吾意尚欲固圍耶今吾與嗣君既已臣伏卿尚  
為誰庭芝不荅命發弩射使者斃一人餘皆退去姜  
才出兵奪兩宮不克復閉城守三月夏竦以淮西降阿  
朮驅兵降至城下以示之旌旗蔽日幕客有以言覘庭  
芝者庭芝曰吾惟一死而已阿朮使者持詔來招降庭  
芝開壁納使者斬之焚詔俾上已而知淮安州許文德  
知盱眙軍張思聰知泗州劉興祖皆以糧盡降庭芝猶

括民間粟以給兵粟盡令官人出粟粟又盡令將校出粟雜牛皮麩葉以給之兵有烹子而食者猶日出苦戰七月阿水請赦庭芝焚詔之罪使之降有詔從之庭芝亦不納是月益王遣使以少保左丞相召庭芝庭芝以朱煥守揚揚與姜才將兵七千人東入海至泰州阿水將兵追圍之朱煥既以城降驅庭芝將士妻子至泰州城下裨將孫貴胡惟孝等開門降庭芝聞變赴蓮池水淺不得死被執至揚州朱煥請曰揚自用兵以來積骸滿野皆庭芝與才所為不殺之何俟於是斬之死之日揚之民皆泣下有宋應龍者為泰州諮議官秦守孫良臣之弟舜臣自軍中來說降良臣召應龍與計應龍極陳國家恩澤君臣大義請殺舜臣以戒持二心者良臣不得已殺之及秦州降應龍夫婦自經死提刑司諮議褚一正置司高郵督戰被創沒水死知興化縣胡拱辰城破亦死

張世傑 附劉師勇

張世傑范陽人少從張彖戍杞有罪遂奔宋隸淮兵中無所知名阮思聰見而奇之言之呂文德文德召為小校累功至黃州武定諸軍都統制攻安東州戰疾力與高達援鄂州有功轉十官尋從賈似道入黃州戰薊草

坪奪還所俘，加環衛官。歷知高郵軍、安東州。咸淳四年，大兵築鹿門堡，呂文德請益兵于朝，調世傑與夏竦赴之。及呂文煥以襄陽降，命世傑將五千人守鄂州。世傑以鉄絙鎖兩城，夾以砲弩，其要津皆施杙，設攻具。大軍破新城，長驅而下。世傑力戰，不得前，遣人招之不聽。丞相伯顏攻嚴山隘，潛舟自唐港，盪舟入漢東，攻鄂。降世傑提所部兵入衛道，復饒州。乃入朝。時方危急，徵諸將，勤王多不至，獨世傑來。上下歎異。自和州防禦使，不數月，累加至保康軍承宣使、總都督府兵。遣將四出，取浙西諸郡，復平江、安吉、廣德、溧陽諸城。兵勢頗振。七月

與劉師勇諸將大出師，焦山令以十舟為方碇，江中非有號令，毋發碇。示以必死。元帥阿朮載殺士，以火矢攻之。世傑兵亂，無敢發碇。赴江死者萬餘人。大敗，奔圍山上。疏請濟師，不報。尋擢龍神衛四廂都指揮使。十月，進泇江，招討使改制置副使，兼知江陰軍。已而火軍至，獨松關。召文天祥入衛。以世傑為保康軍節度使，知平江。尋亦召八衛加檢校少保。二年正月，火軍迫臨安。世傑請移三宮入海，而與天祥合兵背城一戰。丞相陳宜中方遣人請和，不可。白太皇太后止之。未幾，和議亦沮。兵至臯亭山，世傑乃提兵入定海。石國英遣都統卞慶說

之使降世傑以為虜來從已俱南也椎牛享之酒半虜  
從容為言世傑大怒斷其舌磔之中子山四月從二王  
入福州五月與冝中奉昱為主拜簽書樞密院事王世  
強導大軍破之世傑乃奉益王入海而自將陳吊眼許  
夫人諸翼兵攻蒲壽庚不下十月元帥唆都將兵來援  
衆遂解去既而唆都遣人招益王又遣經歷孫安甫說  
世傑世傑拘安甫軍中不遣招討劉深攻淺灣世傑兵  
無敗移王居井澳深復來攻井澳世傑戰却之因徙碭  
州至元十四年正月遣將王用攻雷州用敗績四月益  
王殂衛王昺立拜世傑少傅樞密副使五月遣瓊州安  
撫張應科攻雷州三戰皆不利六月再決戰雷城下應  
科死之世傑以碭州不可居徙王新會之厓山八月封  
越國公發瓊州粟以給軍十月遣凌震王道夫襲廣州震  
敗績明年元帥張弘範等兵至厓山或謂世傑曰北兵  
以舟師塞海口則我不能進退盍先據海口幸而勝國  
之福也不勝猶可西走世傑恐久在海上有離心動則  
必散乃曰頻年航海何時已乎今須與決勝負悉焚行  
朝草市結大舶千餘作水砦為守死計人皆危之已而  
弘範兵至據海口樵汲道絕兵茹乾糧十餘日渴甚下  
掬海水飲之海鹹飲即嘔泄兵大困世傑率獲劉義方

興日大戰弘範得世傑甥韓命以官使三至招之世傑  
歷數古忠臣曰吾知降生且富貴但為主死不移耳二  
月癸未弘範等攻厓山世傑敗走衛王舟元火軍薄中軍  
世傑乃斷維以十餘艦奪港去後還收兵厓山劉自立  
擊敗之降其將方遇龍葉秀榮章文秀等四十餘人世  
傑復欲奉揚太妃求趙氏後而立之俄颶風壞舟溺死  
平章山下劉師勇者廬州人以戰功歷環衛官魯港師  
潰賈似道欲東入海師勇贊之入揚州圖再舉似道然  
之時姚訔復常州似道命師勇以淮兵取呂城朝廷加  
師勇和州防禦使助訔守常而以張彥守呂城合兵拒  
火軍戰失利彥馬弱陷淖中見執呂城失守常州勢益  
孤大軍寘彥城下招降師勇以大義斥彥之慚而退又  
遣范文虎來諭師勇伏弩射走之常受圍數月援兵絕  
有羣鴟飛鳴繞城衆惡為不祥俄而城陷師勇拔柵戰  
且行其弟馬墮蹙躍不能出師勇舉手與訣而去淮軍  
數千人皆鬪死有婦人伏積屍下闕淮兵六人反背相  
挂殺敵十百人乃殪師勇從二王至海上見時事不可  
為憂憤縱酒卒葬于鼓山

陸秀夫

陸秀夫字君實楚州鹽城人生三歲其父徙家鎮江稍

長從其鄉人孟先生學。孟之徒恒百餘，獨指秀夫曰：此非凡兒也。景定元年登進士第。李庭芝鎮淮南，聞其名，辟至幕中。時天下稱得士多者，以淮南為第一。號小朝廷。秀夫才思清麗，一時文人少能及之。性沉靜，不苟求人知。每僚吏至閣，賓主交驩，秀夫獨斂焉。無一語。或時宴集府中，坐尊俎間，矜莊終日，未嘗少有希合。至察其事，皆治庭芝益器之。雖改官不使去，已就幕。三遷至主管機宜文字。咸淳十年，庭芝制置淮東，擢叅議官。德祐元年，邊事急，諸僚屬多亡者，惟秀夫數人不去。庭芝上其名，除司農寺丞，累擢至宗正少卿，兼權起居舍人。二

年正月，以禮部侍郎使軍前，請和不就而返。二王走溫州，秀夫與蘓劉義追從之，使人召陳宜中、張世傑等皆至，遂相與立益王于福州。進端明殿學士，簽書樞密院事。宜中以秀夫久在兵間，知軍務，每事咨訪，始行。秀夫亦悉心贊之，無不自盡。旋與宜中議不合，宜中使言者劾罷之。張世傑謂宜中曰：此如何時動？以臺諫論人，宜中皇恐亟召秀夫還。時君臣播越海濱，庶事疎略，楊太妃垂簾與群臣語，猶自稱奴。每時節朝會，秀夫儼然正笏立。如治朝，或時在行中，淒然泣下。以朝衣拭淚，衣盡浥。左右無不悲動者。屬井澳風，王以驚疾殂，羣臣皆歆



散去秀夫曰度宗皇帝一子尚在將焉置之古人有以一旅一成中興者今百官有司皆具士卒數萬天若未歆絕宋此豈不可為國邪乃與衆共立衛王陳時宜中往占城與世傑不協屢召不至乃以秀夫為左丞相與世傑共秉政時世傑駐兵厓山秀夫外籌軍旅內調工役凡有所述作又盡出其手雖及遽流離中猶日書太學章句以勸講至元十六年二月厓山破秀夫走衛王舟而世傑劉義各斷維去秀夫度不可脫乃杖劍驅妻子入海即負王赴海死年四十四方秀夫海上時記二正事為一書甚悉以授禮部侍郎鄧光薦曰君後死幸傳之其後厓山平光薦以其書還廬陵大德初光薦卒其書存亡無從知故海上之事世莫得其傳云

陳文龍 陳蹟

陳文龍字君貴福州興化人丞相俊卿之後也能文章負氣節初名子龍咸淳五年廷對第一度宗易其名文龍丞相賈似道愛其文雅禮重之由鎮東軍節度判官歷崇政殿說書祕書省校書郎數年拜監察御史皆出似道力然自十數年似道所置臺諫皆闕葺臺中相承凡有所建白皆呈藁似道始行至文龍為文獨不呈藁已忤似道知臨安府洪起畏請行類田似道主其說文

龍上疏以為不可似道怒寢其疏襄陽久被圍似道日  
恣淫樂不少加意時陽請督師而陰使其党留已竟失  
襄陽文龍上疏極言其失范文虎總師無功似道庇之  
以知安慶又除趙潛知建康黃萬石<sub>三</sub>臨安文龍言文  
虎失襄陽今反見擢用是當罰而賞也潛乳臭小子何  
以任大閫之寄萬石政事怠荒以為京尹何以能治請  
皆罷之似道大怒黜文龍知撫州旋又使臺臣季可劾  
罷之未幾呂文煥導<sub>大</sub>軍東下范文虎首迎降與文煥  
俱東似道兵潰魯港潛最先遁以故列城從之皆遁始  
悔不用文龍之言起為左司諫尋遷侍御史時邊事甚

急王燾與陳冝中不能畫一策而日坐朝堂爭私意潛  
友以平江降臺臣請籍其家燾以為可冝中以為不  
可張世傑諸將分四道出師而大臣不監護臺諫論之  
燾請行邊下公卿雜議冝中請出督師又下公卿雜議  
文龍上疏曰書言三后恊心同底於道北兵今日取某  
城明日築某堡而我以文相遜以迹相疑譬猶拯溺扶  
焚而為安步徐行之儀也請召大臣同心圖治無滋虛  
議其後冝中與燾終不相能而去至十月始來事已不  
可為矣是冬累遷文龍至叅知政事未幾議降文龍乃  
上章乞歸養既出國門而悔之復上疏求還不報乃歸

小字注  
徐時棟曰  
昭忠逸詠傳  
云文龍復書  
于其強剛中  
責以負國自  
署其術曰理  
宗學生度宗  
狀元德祐樞  
密宗英宰相

五月益王稱制于福州復以文龍叅知政事漳州畔以  
文龍為閩廣宣撫使討之文龍以黃恡前守漳有恩信  
辟為叅謀官按兵泉州使恡入招撫之恡至民皆頓首  
謝罪興化有石手軍者能擲石中人議者以其不足用  
罷之石手軍亦叛復命文龍為知軍平之已而降持王  
世強復導大軍入廣建寧泉福皆降知福州王剛中遣  
使狗興化文龍斬之而縱其副以還使持書責世強剛  
中負國遂發民兵自守城中兵不滿千大兵來攻不克  
使其家持書招降之文龍焚書斬其使有風其納款者  
文龍曰諸軍特畏死耳未知此生能不手乃使其將

廿

林華偵伺境上華即降且導兵至城下通判曹澄孫開  
門降執文龍與其家人至軍中款降之不屈左右凌挫  
之文龍其腹曰此皆節義文章也可相逼耶強之卒不  
屈乃械繫送杭州文龍去興化即不食至杭餓死其母  
繫福州尼寺中病甚無醫藥右右視之泣下母曰吾與  
吾兒同死又何恨哉亦死眾歎曰有斯母宜有是兒為  
收葬之蒲壽庚以泉州降告其民曰陳文龍非不忠義  
如民何聞者笑之大兵既歸文龍之姪復舉殺林華據  
興化未幾復破瓚死之

文丞相傳

龔開

文宋瑞諱天祥吉州富田人初生祖父夢宋瑞身騰紫雲而上名曰雲孫長而字曰天祥寶祐乙卯歲大比以字為名應舉得薦改字履善明年禮部奏名廷對策有司次其第五奏讀擢居第一父留旅舍感疾及見宋瑞成名而逝護喪歸廬陵服除檢會授承事郎僉書海寧軍節度判官廳公事宋瑞入京行進士門生謝禮將之任會鄂諸交兵兵相潛再相入內都知事董宋臣至遷幸中外洵洵宋瑞上書乞斬宋臣以安人心及團結抽兵破資格用人數事不報還里景定庚申除鎮南軍

宋瑞

節判主管仙都觀歷秘書省正書著作佐郎為郎試郡  
知瑞州再除禮部郎官提點江西刑獄公事改守宣城城  
麾節中外踐更不常及往來周行人猶以清要望之其  
權直也賈似道托疾歸越乞休致而寔有要君之心宋  
瑞草不允詔裁以正義是時王言多先呈稿於權臣而  
後行宋瑞逕行且無所避忌似道怒使臺臣論奪職除  
湖南運判俄以提刑知贛州甲戌冬十有二月北軍渡  
江乙亥改元德祐壽和聖福太皇太后垂簾與幼君同  
聽政書謝道入衛宋瑞除右文殿脩撰樞密都承旨江  
南安撫副使知贛州尋兼江西提刑進集英殿修撰江

西安撫使夏四月領兵東下權兵部侍郎仍舊職丁祖  
母憂改官承重既葬起復總兵起發吉州中途進權刑  
部尚書領舊職八月至閩關駐兵西湖除浙西江東制置  
使兼江西安撫大使知平江府進瑞明殿學士領舊職  
出兵援常州敗績獨松關危急趣師入衛進資政殿學  
士浙西江東制置大使守獨松關丙子正月十八日伯  
顏丞相駐軍皋亭山是夕丞相陳宜中遁去十九日除  
宋瑞樞密使午除右丞相兼樞密使都督諸路軍馬已  
而解兵權詣北軍請解二十日以資政舊職詣北軍留  
營中明日宰臣吳堅賈餘慶率建紳以國降勸王兵盡

放散二月八日北軍遣宋瑞偕祈請使俱北二十日至  
鎮江三十日宋瑞夜同其客杜許及廝役共十一人以  
舟西走儀真三月一日入儀真城後三日郡守苗再興  
以閩府令命給宋瑞出門以輕兵護出境聽所之經維  
揚不見納從者四人亡去矣趨高沙道遇哨馬殺一人  
縛一人去宋瑞與同行伏廢墻得免歷七水寨由泰至  
通州所歷諸郡以閩府命皆不見內遵海而南至溫州  
謁景炎新主授通議大夫拜右丞相兼樞密使都督諸  
路軍馬辭改樞密使同都督駐軍南劍州入汀州移漳  
州龍岩縣至福州

西五月入贛州會昌六月戰粵都督趙葵兵敗贛吉  
斬汀州偽天子黃從臨洪袁瑞豪傑並起應之興國黃  
州新復號令通江淮已而吉贛兵敗移軍惠州至崖山  
朝行在所封信國公賊仍舊封母齊魏國太夫人其九  
月丁母憂起復十一月屯潮陽移屯海豐二十日北兵  
追及所將兵潰被執己卯三月張元帥遣都鎮府石嵩  
管押宋瑞北去至會同館赴樞密院見博羅丞相張平  
章及諸院官博羅丞相令譯者問德祐爾君何為棄德  
祐別立景炎豈得為忠宋瑞曰德祐既失國二王在南  
中立以存宗廟社稷豈不為忠從懷愍者非忠從元帝

者為忠。從徽欽者非忠。從高宗者為忠。衆皆笑。忽一人曰。晉元帝。宋高宗。皆有來歷。二王何所受命。立不正。豈非篡位。宋瑞曰。景炎乃度宗長子。德祐之兄。如何不正。踐位在德祐既去。天位如何。是篡陳丞相奉二王出宮。共稟太皇太后之命。如何。是無所受命。博羅丞相曰。若將三宮走。亦是忠臣。不走出城。與伯顏一戰。決勝負。亦是忠臣。宋瑞曰。此說當責之陳丞相。他人何。博羅又曰。既知做不得。如何。又做。宋瑞曰。譬如父病在膏肓。明知不可為。豈有不進藥之理。不可則天也。今日文天祥至此。有死而已。何用多言。歲在壬午。乃至元十九年也。

於是祥興亡。且三年矣。宋瑞因中作贊并序曰。吾身居將相。不能救社稷安天下。軍敗國亡。辱為俘囚。其當死久矣。被執以來。欲引而無間。今天與之機。謹南鄉再拜以死。其贊曰。孔曰成仁。孟曰取義。惟其義盡。所以仁至。讀聖賢所學何事。而今而後。庶幾無愧。宋丞相文天祥絕筆。龔開曰。僕見青原鄧木之藏文公書紀年。皆小草。首尾備具。因求得謄本。取其始末。為傳。與趙陸二傳並存。而有感於古之立國者。權臣握重。在外必有重臣。居中以制之。若國之危殆。則權臣與重臣合而為一。正須聲援相應。此又一時不可同日而語。宋將以兩淮鎮

居西者無議焉而東鎮又在遠地文公自江右提烏合之衆入衛遇戰則北及獨松失守一身在朝擁將相虛位而過解兵印駕單車稱使者不辭徒曰抒君之急云耳使事有人未聞都督軍馬為之而受執者也五代時李嗣源告莊曰彥章敗段凝未知從知救兵必渡黎陽數萬衆須舟楫豈能一日而濟此去汴不數百里信宿可到汴既入段兵何施蓋是時梁朝虛內重兵盡在外故唐兵肆行無忌嗣源以千騎先鋒至封門扣關而入梁君臣束手相顧而已烏乎似者尚可取監況身親之以此知兵力與天時人事未始不相倚為用也

陸君實傳

龔開

陸君實諱秀夫一字實翁楚州鹽城人生三歲父母攜抱避地南來居京口比免幼出從師肄業聰明穎悟異他兒郡有二孟先生以宿學教授生徒大小學多逾百人知君實不凡刮目待之學舉子文下筆有奇語不待師煩日進不休年十五應鄉舉得貢補太學牒非其好也後三年歲在丙辰用鄉書登乙科是時殿撰章子美琰居京口負時望以兄之孫子妻之因留婦家需次淮尉李祥甫庭芝制置淮東君實當斂板轅和而同年進士錢淳甫真孫於制使有連又殿撰贅婿於是相攜入

苑



淮安幕府淮尉書攷曆而已淮南幕府號小朝廷人物如林淳甫與君實能自植立其為人靜寡言與人交不翕之熱凡僚吏因公事過閣要以主賓情接為貴而君實退然托處非謝舉謁告未嘗過閣有集則持敬尊姐間終日與眾客俱退制使以此雅器重之不欲撓拂其志馴以舉格改合入官三遷至主管機宜文字分擬諸房公事職無不舉京湖制使呂少傅薨詔李制使改鎮江陵君實仍以機宜佐行襄陽失守李制使投間寓朱方君實與親友朝暮見不以前踈為少後密為多日從事詩酒如在山林間也未幾印制使應雷卒於維揚

閻治大敵壓境人心易搖金字牌命李制使往維揚用乙夜絕江小駐瓜洲維揚出鐵騎三千來逐擁元戎兩時頃入城君實以鞍馬從自是帷幄之謀無不與而機職領之如故召赴都堂稟議權臣誘進之君實恬無自獻之意循比除提轄文思院出為制置大使叅議官兼淮南東路提點刑獄公事淮憲為制右不佞既無臺治亦無公使供給以故多制垣上介兼領因之望幕為君實處之晏如也事會難危制臣令赴闕奏請留中未幾隨至帥府通浙東景炎新造君實以明殿學士叅贊都督軍事陳宜中既得政兼將相權知君實久在兵間

歷諸戎事引以自近多所咨訪君實亦傾心贊助之期  
於能濟議有不合以言者被謫大將張少保世傑謂宜  
中曰大業未濟人才有限動輒令臺諫排論人世傑若  
不可相公意亦當如此宜中皇恐即日召還遷海上君  
實遂執政事海濱誅茅捧土為殿陛遇時節朝會君實  
端笏盛服如立文石班未嘗少怠既罷則望山海凄然  
至以朝服搵淚悲動左右草莽中百種踈畧君實隨宜  
裨補盡心力而為之及祥興繼立兩軍相見於崖山南  
軍大舟三百桅分前後中三部以對敵者為先鋒而以  
中部居宸<sub>宸</sub>寮中堅反居其後前鋒失利波濤掀舞旌旗

交錯部伍為之混亂君實出倉卒仗劍驅妻子先入海  
號哭拜幼君曰陛下不可再辱拜起抱幼君以匹練束  
如一體用黃金重礮腰間君臣赴水而死己卯歲二月  
六日也年四十二君實在海上與青原人鄧中甫光薦  
善嘗手書日記授中甫曰足下若後死以此冊傳故人  
僕嘗托黃唐佐主從中甫取冊不得始以所聞輯為此  
傳用申桑梓之義先是僕嘗序大略成長句四韻率朋  
從賦詩或謂僕盍疏一傳存公之大體勿以詳畧為拘  
僕聞之泣下既而歎曰吾郡以忠孝聞死節有趙公師  
旦至行有徐節孝先生今吾君實得與趙公相望而其

子乃先驅入海使陸氏一枝無續趙公則有三歲孤兒  
不併死較之君實不其重可哀也然在當時趙公孤兒  
有收養者幸而成人可為公後無他說至若君實之子  
年已弱別假令不死托之何人此君實寧有媿於節孝  
受無後之罪而於趙公不能作烈士斷腕之事時勢有  
不同者庸詎知其心不爾則傳其可以不作朋友之言  
其可以不懷筆力短不能使潛德幽光浮於偉節斯為  
可媿焉耳龔開曰昔趙簡子使尹鐸治晉陽請曰繭絲  
乎保障乎曰保障哉尹鐸結民心堅壁壘以備其入也  
乃襄子為智伯所攻卒以晉陽獲濟自甲戌大敵渡江  
東南如晉陽可走者何所再造而止幾及五年竟無三  
里之城七里之郭使其民效死勿去惟有遑：遷轉而  
已國之亡固有天數抑亦人事有不至歟而吾君實鞠  
躬盡瘁死而後已烏乎悲夫天耶人耶



13

